


元史



本紀卷第十五

元史十五

南京國子監祭酒侯恪

司業謝德溥補刊

世祖十二

二十五年春正月日烜復走入海鎮南王以諸軍追之不及引兵還交趾城命烏馬兒將水兵迎張文虎等糧船又發兵攻其諸寨破之己丑詔江淮省管內並聽忙兀帶節制庚寅祭日于司天臺賜諸王火你赤銀五百兩珠一索錦衣一襲王都銀千兩珠一索錦衣一襲辛卯尚書省臣言初以行省置丞相與內省

無別罷之今江淮省平章政事忙兀帶所統地廣事繁乞依前爲丞相詔以忙兀帶爲右丞相以蘄黃二州壽昌軍隸湖廣省毀中統鈔板乙未賞征東功從乘輿將吏陞散官二階軍士鈔人三錠從皇孫將吏陞散官一階軍士鈔人二錠死事者給其家十錠凡爲鈔四萬一千四百二十五錠丁酉遣使代祀嶽瀆東海后土戊戌大赦救弛遼陽漁獵之禁惟母殺孕獸壬寅高麗遣使來貢方物賀州賊七百餘人焚掠封州諸郡循州賊萬餘人掠梅州癸卯海都犯邊救駙馬昌吉諸王也只烈察乞兒合丹兩千戶皆發兵

從諸王朮伯北征賜諸王亦憐真部曲鈔三萬錠掌吉舉兵叛諸王拜荅罕遣將追之至八立渾不及而還甲辰也速不花謀叛逮捕至京師誅之乙巳太陰犯角蠻洞十八族饑餓死者二百餘人以鈔千五百錠有奇市米賑之丙午畋於近郊以平江鹽兵屯田於淮東西杭蘇二州連歲大水賑其尤貧者戊申太陰犯房巳酉詔中興西涼無得沮壞河渠兩淮兩浙無得沮壞歲課發海運米十萬石賑遼陽省軍民之饑者辛亥省器盒局入諸路金玉人匠總管府癸丑詔行大司農司各道勸農營田司巡行勸課舉察勤惰歲

具府州縣勸農官實迹以爲殿最路經歷官縣尹以下並聽裁決或怙勢作威侵官害農者從提刑按察司究治募民能耕江南曠土及公田者免其差役三年其輸租免三分之一江淮行省言兩淮土曠民寡兼并之家皆不輸稅又管內七十餘城止屯田兩所宜增置淮東西兩道勸農營田司督使耕之制曰可二月丁巳改濟州漕運司爲都漕運司併領濟之南北漕京畿都漕運司惟治京畿鎮南王引兵還萬劫烏馬兒迎張文虎等糧船不至諸將以糧盡師老宜全師而還鎮南王從之戊午命李庭整漢兵五千東征

賜葉李平江嘉興田四頃庚申司徒撒里蠻等進讀祖宗實錄帝曰太宗事則然睿宗少有可易者定宗固日不暇給憲宗汝獨不能憶之耶猶當詢諸知者徵大都南諸路所放扈從馬赴京官給芻粟價令自糴之無擾諸縣民遼陽武平等處饑除今年租賦及歲課貂皮浚滄州鹽運渠辛酉忙兀帶忽都忽言其軍三年薦饑賜米五百石壬戌省遼東海西道提刑按察司入北京江南湖北道提刑按察司入荆南敕江淮勿捕天鵝弛魚樂禁丙寅賜雲南王塗金駝鈕印改南京路爲汴梁路北京路爲武平路西京路爲

大同路東京路爲遼陽路中興路爲寧夏府路改江西茶運司爲都轉運使司并權酒醋稅改河渠提舉司爲轉運司江淮總攝楊璉真加言以宋宮室爲塔一爲寺五已成詔以水陸地百五十頃養之詔徵葛洪山隱士劉彥深甲戌蓋州旱民饑蠲其租四千七百石已卯以高麗國王王晳復爲征東行尚書省左丞相豪懿州饑以米十五萬石賑之禁遼陽酒京師水發官米下其價糶貧民以江南站戶貧富不均命有司料簡合戶稅至七十石當馬一匹並免雜徭獨戶稅逾七十石願入站者聽合戶稅不得過十石獨

戶稅無上百石辛巳以杭州西湖爲放生池壬午鎮南王命烏馬兒樊楫將水兵先還程鵬飛塔出將兵護送之以御史臺監察御史提刑按察司多不舉職降詔申飭之命皇孫雲南王也先鐵木兒帥兵鎮大理等處三月丙戌諸王昌童部曲饑給糧三月丁亥災忒犯太微東垣上相戊子太陰犯畢車駕還宮淞江民曹夢炎願歲以米萬石輸官乞免他徭且求官職桑哥以爲請遙授浙東道宣慰副使改曲靖路總管府爲宣撫司庚寅大駕幸上都改闡遺所爲闡遺監陞正四品敕遼陽省亦乞列思吾魯兀札刺兒探馬

赤自懿州東征李庭遙授尚書左丞食其祿將漢兵以行江淮行省忙兀帶言宜除軍官更調法死事者增散官病故者降一等帝曰父兄雖死事子弟不勝任者安可用之苟賢矣則病故者亦不可降也辛卯以六衛漢兵千二百新附軍四百屯田兵四百造尚書省鎮南王以諸軍還張文虎糧船遇賊兵船三十艘文虎擊之所殺略相當費拱辰徐慶以風不得進皆至瓊州凡亡士卒二百二十人船十一艘糧萬四千三百石有奇癸巳賜諸王木伯銀五萬兩幣帛各一萬匹兀魯台爪忽兒銀五千兩幣帛各一百甲午

禁捕鹿羔鎮南王次內傍關賊兵大集以遏歸師鎮南王遂由單巴縣趨盩州間道以出乙未以往歲北邊大風雪拔突古倫所部牛馬多死賜米千石丁酉駐蹕野狐嶺命阿束塔不帶總京師城守諸軍已亥太陰掩角壬寅禮部言會同館蕃夷使者時至宜令有司倣古職貢圖繪而爲圖及詢其風俗土產去國里程籍而錄之實一代之盛事從之鎮南王次思明州命愛魯引兵還雲南奧魯赤以諸軍北還日烜遣使來謝進金人代巳罪乙巳詔江西管內並聽行尚書省節制戊申改山東轉運使司爲都轉運使司兼濟

南路酒稅醋課已酉徐邳屯田及靈壁濰寧二屯雨  
雹如雞卵害麥甲寅循州賊萬餘人寇漳浦泉州賊  
二千人寇長泰汀贛畚賊千餘人寇龍溪皆討平之  
夏四月丙辰萊縣蒲臺旱饑出米下其直賑之戊午  
太陰犯井庚申以武岡寶慶二路荐經寇亂免今年酒  
稅課及前歲逋租辛酉從行泉府司沙不丁烏馬兒  
請置鎮撫司海船千戶所市舶提舉司省平陽投下  
總管府入平陽路雜造提舉司入雜造總管府桑哥  
言自至元丙子置應昌和糴所其間必多盜詐宜加  
鉤考扈從之臣種地極多宜依軍站例除四頃之外

驗畝征租並從之癸亥渾河決發軍築堤捍之乙丑  
廣東賊董賢舉等七人皆稱大老聚眾反剽掠吉贛  
瑞撫龍興南安韶雄汀諸郡連歲擊之不能平江西  
行樞密院副使月的米失請益兵江西行省平章鐵  
都鐵木兒亦以地廣兵寡爲言詔江淮省分萬戶一  
軍詣江西俟賊平還翼戊辰浚怯烈河以溉口温腦  
兒黃土山民田庚午立弘吉刺站癸酉尚書省臣言  
近以江淮饑命行省賑之吏與富民因緣爲姦多不  
及於貧者今杭蘇湖秀四州復大水民鬻妻女易食  
請輟上供米二十萬石審其貧者賑之帝是其言甲

戊萬安寺成佛像及窻壁皆金飾之。凡費金五百四十兩有奇。水銀二百四十斤。遼陽省新附軍逃還各衛者，令助造尚書省，仍命分道招集之。增立直沽海運米倉，命征交趾諸軍還家休息一歲。敕緬中行省比到緬中，一稟雲南王節制。庚辰，安南國王陳日烜遣中大夫陳克用來貢方物，賜諸王小薛金百兩，銀萬兩，鈔千錠，及幣帛有差。辛巳，賜諸王阿赤吉金二百兩，銀二萬二千五百兩，鈔九千錠，及紗羅絹布有差。命甘肅行省發新附軍三百人屯田，亦集乃陝西省督鞏昌兵五千人屯田六盤山。癸未，雲南省右丞

愛魯上言：自發中慶經羅羅，日衣入交趾，往返二十八戰，斬首不可勝計。將士自都元帥以下獲功者四百七十四人。甲申，詔皇孫撫諸軍討叛王火魯火孫合丹禿魯干。五月丙戌，救武平路括馬千匹。戊子，諸王察合子闊闊帶叛，床兀兒執之。以來已丑，汴梁大霖雨，河決襄邑，漂麥禾以左右。怯薛衛士及漢軍五千三百人從皇孫比征。甲午，發五衛漢兵五千人比征。乙未，桑哥言：中統鈔行垂三十年，省官皆不知其數。今已更用至元鈔，宜差官分道置局鈎考。中統鈔本從之。丙申，賜諸王八八金百兩，銀萬兩，金素段五百

附相侯謝補修  
元身之錄卷第一  
紗羅絹布等四千五百疋馬兒來獻璞玉丁酉平江水免所負酒課減米價賑京師改雲南烏撒宣撫司爲宣慰司兼管軍萬戶府戊戌復蘆臺越支三义沽三鹽使司王家奴火魯忽帶察罕復舉兵及己亥雲南行省言金沙江西通安等五城宜依舊隸察罕章宣撫司金沙江東末寧等處五城宜廢以北勝施州爲北勝府從之壬寅渾天儀成運米十五萬石詣懿州餉軍及賑饑民乙巳罷興州採蜜提舉司營上都城內倉丁未奉安神主於太廟戊申太白犯畢賜拔都不倫金百五十兩銀萬五千兩及幣帛紗羅等萬匹

辛亥孟州烏河川兩雹五寸大者如拳癸丑詔湖廣省管內並聽平章政事禿滿要束木節制遷四川省治重慶復遷宣慰司於成都高麗遣使來貢方物詔四川管內並聽行尚書省節制河決汴梁太康通許杞三縣陳穎二州皆被害六月甲寅以新附軍修尚食局庚申賑諸王荅兒伯部曲之饑者及桂陽路饑民辛酉禁上都桓州應昌隆興酒壬戌賜諸王木伯金銀皆二百五十兩幣帛紗羅萬匹乙丑詔蒙古人總漢軍閱習水戰丁卯又賜諸王木伯銀二萬五千兩幣帛紗羅萬匹復立咸平至建州四驛以延安屯

田總管府復立安西省戊辰海都將暗伯著暖以兵犯業里于腦兒管軍元帥阿里帶戰却之壬申睢陽霖兩河溢害稼免其租千六十石有奇命諸王怯憐口及扈從臣轉米以饋將士之從皇孫者太醫院光祿寺儀鳳寺侍儀司拱衛司皆毋隸宣徽院罷教坊司入拱衛司癸酉詔加封南海明著天妃爲廣祐明著天妃甲戌太白犯井改西南番總管府爲永寧路乙亥以考城陳留通許杞太康五縣大水及河溢沒民田蠲其租萬五千二百石丙子給兵五十人衛瀾西宣慰使史弼使任治盜之責丁丑太陰犯歲星發兵

千五百人詣漢北浚井癸未處州賊柳世英寇青田麗水等縣浙東道宣慰副使史耀討平之資國富昌等一十六屯雨水蝗害稼秋七月甲申朔復葺興靈二州倉始命昔寶赤合刺赤貴由赤左右衛士轉米輸之委省官督運以備賑給丙戌真定汴梁路蝗運大同太原諸倉米至新城爲邊地之儲以南安瑞巔三路連歲盜起民多失業免逋稅萬二千六百石有奇弛寧夏酒禁發大同路粟賑流民保定路霖雨害稼蠲今歲田租改儲待所爲提舉司敕征交趾兵官還家休息一歲壬辰遣必闡赤以鈔五千錠往應昌

和糴軍儲改會同館爲四賓庫戊戌駐驛許泥百牙之地同知江西行樞密院事月的迷失上言近以盜起廣東分江西江淮福建三省兵萬人令臣將之討賊臣願萬人內得蒙古軍三百并臣所籍降戶萬人置萬戶府以撒木合兒爲達路花赤佩虎符詔許之以沐川等五寨割隸嘉定者還隸馬湖蠻部總管府已亥熒惑犯氏庚子太白犯鬼膠州連歲大水民採椽而食命減價糴米以賑之霸鄒二州霖雨害稼免其今年田租乙巳太陰掩畢諸王也真部曲饑分五千戶就食濟南保定路唐縣野蠶繭絲可爲帛壬子命幹端

戊兵三百一十人屯田命六衛造兵器八月癸丑諸王也真言臣近將濟寧投下蒙古軍東征其家皆乏食願賜濟南路歲賦銀使易米而食詔遼陽省給米萬石賑之丙辰熒惑犯房袁之萍鄉縣進嘉禾詔安童以本部怯薛蒙古軍三百人北征己未太白犯軒轅大星辛卯免江州學田租癸亥尚書省成壬申安西省管內大饑蠲其田租二萬一千五百石有奇仍貸粟賑之癸酉以河間等路鹽運司兼管順德廣平綦陽三鐵冶丙子發米三千石賑減吉兒帶所部饑民趙晉冀三州蝗丁丑嘉祥魚臺金鄉三縣霖雨害

稼蠲其租五千石庚辰車駕次孛羅海腦兒以咸平  
荐經兵亂發瀋州倉賑之分萬億庫爲寶源賦源綺  
源廣源四庫九月癸未朔熒惑犯天江大駕次野狐  
嶺甘州旱饑免逋稅四千四百石丙戌置汀梅二州驛  
已丑獻莫二州霖雨害稼免田租八百餘石壬辰大  
駕至大都乙未罷檀州淘金戶都哇犯邊庚子太陰  
犯畢鬼國建都皆遣使來貢方物從桑哥請營五庫  
禁中以貯幣帛癸卯熒惑犯南斗命忽都忽民戶履  
地輸稅尚書省臣言自立尚書省凡倉庫諸司無不  
鉤考宜置徵理司秩正三品專治合追財穀以甘肅

等處行尚書省叅政禿烈羊呵簽省吳誠並爲徵理  
使從之陞寶鈔總庫未盈庫並爲從五品改八作司  
爲提舉八作司秩正六品增元寶未豐及八作司官  
吏俸庚戌太醫院新編本草成冬十月己未享于太  
廟庚申從桑哥請以省院臺官十二人理算江淮江  
西福建四川甘肅安西六省錢穀給兵使以爲衛烏  
思藏宣慰使軟奴汪朮嘗賑其管內兵站饑戶桑哥  
請賞之賜銀二千五百兩甲子置虎賁司復改爲武  
衛司丙寅賜瀛國公趙鼎鈔百錠以甘州轉運司隸  
都省湖廣省言左右江口溪洞蠻獠置四總管府統

兩相侯謝補修  
州縣洞百六十而所調官畏憚瘴癘多不敢赴請以  
漢人爲達魯花赤軍官爲民職雜土人用之就擬夾  
谷三合等七十四人以聞從之大同民李伯祥蘇永  
福八人以謀逆伏誅庚午海都犯邊桑哥請明年海  
道漕運江南米湏及百萬石又言安山至臨清爲渠  
二百六十五里若開浚之爲工三百萬當用鈔三萬  
錠米四萬石鹽五萬斤其陸運夫萬三千戶復罷爲  
民其賦入及芻粟之佑爲鈔二萬八千錠費略相當  
然渠成亦萬世之利請以今冬備糧費來春浚之制  
可丙子始造鐵羅圈甲瀛國公趙鼎學佛法于土番

己卯也不干入寇不都馬失引兵奮擊之塔不帶友  
忽刺忽阿塔海等戰却之詔免儒戶雜徭尚書省臣  
請令集賢院諸司分道鈎考江南郡學田所入羨餘  
貯之集賢院以給多才藝者從之給倉官俸高麗遣  
使來貢方物十一月壬午鞏昌路荐饑免田租之半仍  
以鈔三千錠賑其貧者以忽撒馬丁爲管領甘肅陝  
西等處屯田等戶達魯花赤督幹端可失合兒工匠  
千五十戶屯田丁亥金齒遣使貢方物以山東東西  
道提刑按察使何榮祖爲中書省叅知政事脩國子  
監以居胄子禁有分地臣私役富室爲柴米戶及賦

外雜徭柳州民黃德清叛潮州民蔡猛等拒殺官軍並伏誅庚寅床哥里合引兵犯建州殺三百餘人咸平大震辛卯兀良合饑民多殍死給三月糧壬辰罷建昌路屯田總管府癸巳賜諸王也里千金五十兩銀五千兩鈔千錠幣帛紗羅等二千匹也速帶兒牙林海刺孫執捏坤忽都答兒兩叛王以歸甲午北兵犯邊詔福建省管內並聽行尚書省節制丙申合迷裏民饑種不入土命愛牙赤以屯田餘糧給之己亥命李思衍爲禮部侍郎克國信使以萬奴爲兵部郎甲副之同使安南詔諭陳日烜親身入朝否則必再

加兵大都民史吉等請立桑哥德政碑從之辛丑馬八兒國遣使來朝帖列滅入寇甲辰以鞏昌便宜都總帥府統五十餘城兵民事繁改爲宣慰使司兼便宜都總帥府改釋教總制院爲宣政院秩從一品印用三臺以尚書右丞相桑哥兼宣政使庚戌益歲平府戍兵三百十二月乙卯賜按答兒秃等金千二百五十兩銀十二萬五千兩鈔二萬五千錠幣帛布氈布二萬三千六百六十六匹命上都募人運米萬石赴和林應昌府運米三萬石給弘吉刺軍丁已海都兵犯邊拔都也孫脫迎擊死之先是安童將兵臨邊爲

失里吉所執一軍皆沒至是八隣來歸從者凡三百九十人賜鈔萬二千五百一十三錠辛酉太陰犯畢癸亥置大都等路打捕民匠等戶總管府甲子太陰犯井辛未桑哥言有分地之臣例以貧乏爲辭希覲賜與財非天墜地出皆取於民苟不慎其出入恐國用不足帝曰自今不當給者汝卽畫之當給者宜覆奏朕自處之甲戌太陰犯元熒惑犯壘壁陣安西王阿難荅來告兵士饑且闕橐駝詔給米六千石及橐駝百乙亥湖頭賊張治囤掠泉州免泉州今歲田租丙子也速不花以昔列門叛甘肅行省官約諸王八

八拜荅罕駙馬昌吉合兵討之皆自縛請罪獨昔列門以其屬西走追至朶郎不帶之地邀而獲之以歸於京師庚辰六衛屯田饑給更休三千人六十日糧高麗國王遣使來貢方物賜諸王愛牙合赤等金千兩銀一萬八千三百六十兩絲萬兩綿八萬三千二百兩金素幣一千二百匹絹五千九十八匹賜皇子愛牙赤部曲等羊馬鈔二十九萬百四十七錠馬二萬六千九百一十四羊十萬二百一十駝八牛九百賜諸王貧乏者鈔二十一萬六百錠馬六千七百二十五羊一萬二千八百五十七牛四十賜妻子家貲

沒於寇者鈔三萬二千八百八十錠馬羊百償以羊馬諸物供軍者鈔千六百七十四錠馬四千三百二十五羊三萬四千百九十九騾七十二牛三十賞自寇中拔歸者鈔四千七十八錠因雨雹河溢害稼除民租二萬二千八百石命亦思麻等七百餘人作佛事坐靜於玉塔殿寢殿萬壽山護國仁王等寺凡五十四會命天師張宗演設醮三日以光祿寺直隸都省置醴源倉分大倉之麴米藥物隸焉以滄州之軍營城爲滄溟縣以施州之清江縣隸夔路總管府罷安和署大司農言耕曠地三千五百七十頃立學校二萬

四千四百餘所積義糧三千一萬五千五百餘石斷  
死罪九十五人

二十六年春正月丙戌地震詔江淮省忙兀帶與不魯迷失海牙及月的迷失合兵進討群盜之未平者  
己丑發兵塞沙陀間鐵烈兒河辛卯拔都不倫言其民千一百五十八戶貧乏賜銀十萬五千一百五十兩徙江州都轉運使司治龍興沙不丁上市舶司歲輸珠四百斤金三千四百兩詔貯之以待貧乏者合丹入寇戊戌以荆湖占城省左丞唐兀帶副按的忽都合爲蒙右都萬戶統兵會江淮福建二省及月的

迷失兵討盜于江西蠡漳汀二州田租辛丑遣使代  
祀岳瀆后土東南海立武衛親軍都指揮使司以待  
衛軍六千屯田軍三千江南鎮守軍一千合兵一萬  
隸焉太陰犯氏壬寅海船萬戶府言山東宣慰使樂  
實所運江南米陸負至淮安易鬪者七然後入海歲  
止二十萬石若由江陰入江至直沽倉民無陸負之  
苦且米石省運估八貫有奇乞罪膠萊海道運糧萬  
戶府而以漕事責臣當歲運三十萬石詔許之癸卯  
高麗遣使來貢方物賊鍾明亮寇贛州掠寧都據秀  
嶺詔發江淮省及鄰郡戍兵五千遷江西省叅政管

如德爲左丞俅將兵往討畬民丘大老集衆千人寇  
長泰縣福州達魯花赤脫歡同漳州路總管高傑討  
平之甲辰復立光祿寺戊申徙廣州按察司於韶州  
以荆南按察司所統遼遠割三路入淮西二路入江  
西立咸平至聶延驛十五所廢甘洲路宣課提舉司  
入寧夏都轉運使司遣叅知政事張守智翰林直學  
士李天英使高麗督助征日本糧二月辛亥朔詔籍  
江南戶口凡北方諸色人寓居者亦就籍之濬滄州  
御河癸丑愛牙合赤請以所部軍屯田咸平懿州以  
省糧餉己未發和林糧千石賑諸王火你赤部曲置

元史本紀卷十五  
十六  
延禧司秩正三品壬戌合木里饑命甘肅省發米千石賑之癸亥詔立崇福司爲從二品徙江淮省治杭州改浙西道宣慰司爲淮東道宣慰司治揚州丙寅尚書省臣言行臬府所統海船萬五千艘以新附人駕之緩急殊不可用宜招集乃顏及勝納合兒流散戶爲軍自泉州至杭州立海站十五站置船五艘水軍二百專運番夷貢物及商販奇貨且防禦海道爲便從之命福建行省拜降江西行院月的迷失江淮行省忙兀帶合兵擊賊江西大都路總管府判官蕭儀嘗爲桑哥掾坐受賕事覺帝貸其死欲徙爲淘金桑哥

以儀嘗鈎考萬億庫有追錢之能足贖其死宜解職杖遣之帝曲從之丁卯幸上都以中書右丞相伯顏知樞密院事將北邊諸軍成都管軍萬戶劉德祿上言願以兵五千人招降八番蠻夷因以進取交趾樞密院請立元帥府以藥刺罕及德祿並爲都元帥分四川軍萬人隸之帝從之以伯蒼兒爲中書平章政事紹興大水免未輸田租合丹兵寇胡魯口開元路治中兀顏牙兀格戰連日破之己巳立左右翼屯田萬戶府秩從三品玉呂魯奏江南盜賊凡四百餘處宜選將討之帝曰月的迷失屢以捷聞忙兀帶已往

卿無以爲慮皇孫甘不刺所部軍乏食發大同路權  
場糧賑之甲戌命鞏昌便宜都總帥汪惟和將所部  
軍萬人北征令過闕受命乙亥省屯田六署爲營田  
提舉司三月庚辰朔日有食之台州賊楊鎮龍聚衆  
寧海僭稱大興國寇東陽義烏浙東大震諸王龔吉  
帶時謫婺州帥兵討平之立雲南屯田以供軍儲桑  
哥言省部成案皆財穀事當令監察御史卽省部稽照  
書姓名於卷末仍命侍御史堅童視之失則連坐從  
之安西饑減估糶米二萬石甘州饑發鈔萬錠賑之  
巳丑賜陝西屯田總管府農器種粒癸巳東流縣獻

芝甲午太陰犯亢乙未鑄渾天儀成癸巳金齒人塞  
完以其民二十萬一千戶有奇來歸仍進象三夏以  
月巳酉復立營田司于寧夏府遼陽省管內饑貸高  
麗米六萬石以賑之壬子孛羅帶上別十八里招集  
戶數令甘肅省賑之癸丑命塔海發忽都不花等所  
部軍屯狗站北以禦寇寶慶路饑下其估糶米萬一  
千石丙辰命甘肅行省給合的所部饑者粟丁巳遣  
官驗視諸王按灰貧民給以糧戊午禁江南民挾弓  
矢犯者籍而爲兵置江西福建打捕鷹坊總管府福  
建轉運司及管軍總管言其非宜詔罷之省江淮屯

田打捕提舉司七所存者徐邳海州揚州兩淮淮安高  
郵昭信安豐鎮巢蘄黃魚網石湫猶十二所甲子池州  
貴池縣民王勉進紫芝十二本戊辰安南國王陳日  
烜遣其中大夫陳克用等來貢方物已巳乞兒乞思  
戶居和林驗其貧者賑之庚午沙河決發民築堤以  
障之癸酉以高麗國多產銀遺工卽其地發旁近民  
冶以輸官以萊蕪鐵冶提舉司隸山東鹽運司甲戌  
以御史大夫王呂魯爲太傅加開府儀同三司簽江  
西等處行尚書省事名江淮行省參知政事忻都赴  
闕以戶部尚書王巨濟專理筭江淮省左丞相忙兀

帶總之置湖東江東江西湖廣福建木綿提舉司責  
民歲輸木綿十萬匹以都提舉司總之罷皇孫按攤  
不花所設斷事官也先仍收其印尚書省臣言鞏昌  
便宜都總帥府已陞爲宣慰使司乞以舊兼府事別  
立散府調官分治從之立諸王愛牙赤投下人匠提  
舉司於益都併省雲南大理中慶等路州縣丁丑陞  
市令司爲從五品改大都路甲匠總管府爲軍器人  
匠都總管府尚書省臣言乃顏以及誅其人戶月給  
米萬七千五百二十三石父母妻子俱在北方恐生  
它志請徙置江南克沙不丁所請海船水軍從之五

月庚辰發武衛親軍千人濬河西務至通州漕渠癸未移諸王小薛饑民就食汴梁發大同宣德等路民築倉於昴兀刺壬辰大白犯鬼軟奴玉木私以金銀器皿給諸王出伯合班等且供饋有勞命有司如數償之復賞銀五萬兩幣帛各二千匹丙申詔季陽益都淄萊三萬戶軍久戍廣東疫死者衆其令二年一更賊鍾明亮率衆萬八千五百七十三人來降江淮福建江西三省所抽軍各還本翼行御史臺復徙於揚州淞西提刑按察司徒蘇州以叅知政事忻都爲尚書左丞中書叅知政事何榮祖爲叅知政事叅議

尚書省事張天祐爲中書叅知政事己亥詔回回國子學陞利用監爲從三品遼陽路饑免往歲未輸田租尚書省臣言括大同平陽太原無籍民及人奴爲良戶畧見成效益都濟南諸道亦宜如之詔以農時民不可擾俟秋冬行之罷永盈庫以所貯上供幣帛入太府監及萬億庫辛丑御河溢入會通渠漂東昌民廬舍以庄浪路去甘肅省遠改隸安西省省流江縣入渠州泰安寺屯田大水免今歲租青山猶蠻以不莫臺卑包等三十三寨相繼內附六月戊申朔發侍衛軍二千人濬口溢腦兒河渠己酉鞏昌汪惟和言近括漢人兵器臣

兩相侯謝補修  
管內已禁絕自今臣凡用兵器乞取之安西官庫帝  
曰汝家不與它漢人比弓矢不汝禁也任汝執之辛  
亥詔以雲南行省地遠州縣官多闕六品以下許本  
省選辟以聞桂陽路寇亂水旱下其估糶米八千七  
百二十石以賑之己未西番進黑豹庚申諸王乃蠻  
帶敗合丹兵於托吾兒河丙寅要忽兒犯邊辛巳詔  
遣尚書省斷事官秃烈羊呵理算雲南復立雲南提  
刑按察司月的迷失請以降賊鍾明亮為循州知州  
宋士賢為梅州判官丘應祥等十八人為縣尹巡尉  
帝不允令明亮應祥並赴都大都增設倒鈔庫三所

遼陽等路饑免今歲差賦移八八部曲饑者就食甘  
州海都犯邊和林宣慰使怯伯同知乃滿帶副使八  
黑鐵兒皆反應之合刺赤饑出粟四千三百二十八  
石有奇以賑之甲戌西南夷中下爛三等處洞長忽  
帶等以洞三百寨百一十來歸得戶二千餘乙亥金  
剛奴寇折速怯兒立江淮等處財賦總管府堂所籍  
宋謝太后貲產隸中宮丁丑汲縣民朱良進紫芝濟  
寧東平汴梁濟南棣州順德平灤真定霖兩害稼免  
田租十萬五千七百四十九石秋七月戊寅朔海都  
兵犯邊帝親征尚珍署屯田大水從征者給其家已

卯駙馬瓜忽兒部曲饑賑之辛巳兩淮屯田雨雹害稼蠲今歲田租雨壞都城發兵民各萬人完之開安山渠成河渠官禮部尚書張孔孫兵部郎中李處選員外郎馬之貞言開魏博之渠通江淮之運古所米有詔賜名會通河置提舉司職河渠事甲申四川山齊蠻民四寨五百五十戶內附丙戌命百官市馬助邊救以禿魯花及侍衛兵百人爲桑哥導從丁亥發至元鈔萬錠市馬于燕南山東河南太原平陽保定河間平灤戊子太白經天四十五日庚寅黃元兒月良等驛乏食以鈔賑之辛卯太陰犯牛詔遣牙牙住

僧詣江南搜訪術藝之士發和林所屯乞兒乞思等軍北征癸巳平灤屯田霖雨損稼甲午御河溢東平濟寧東昌益都真定廣平歸德汴梁懷孟蝗乙未太陰犯歲星丁酉命遼陽行省益兵戍咸平懿州戊戌誅信州叛賊鮑惠日等三十三人右丞李庭等北征辛丑發侍衛親軍萬人赴上都河間大水害稼壬寅賦百官家製戰襖癸卯沙河溢鐵燈杆堤決八月壬子霸州大水民乏食下其估糶直沽倉米五千石乙卯郴之宜章縣爲廣東寇所掠免今歲田租辛酉大都路霖雨害稼免今歲租賦仍減價糶諸路倉糧壬

戊朔州饑發河西務米二千石減其價賑糶之癸亥  
諸王鐵失孛羅帶所部皆饑敕上都留守司遼陽省  
發粟賑之甲子月的迷失以鍾明亮貢物來獻辛未  
歲星晝見癸酉以八番羅甸宣慰使司隸四川省台  
婺二州饑免今歲田租甲戌詔兩淮兩浙都轉運使  
司及江西權茶都轉運司諸人毋得沮辦課改四川  
金竹寨爲金竹府徙浙東道提刑按察司治婺州河  
東山西道提刑按察司治太原宣慰司治大同九月  
戊寅歲星犯井巳卯置高麗國儒學提舉司從五品  
丙戌罷濟州泗汶漕運使司丁亥罷幹端宣慰使元

師府癸巳以京師雜費禁有司拘顧商車乙未太陰  
犯畢丙申癸惑犯太微西垣上將增浙東道宣慰使二  
員江淮省平章沙不丁言提調錢穀積怨於衆乞如  
要東木例撥戍兵三百人爲衛從之平樂昌國等屯  
田霖雨害稼甲辰以保定新城定興屯田糧賑其戶  
饑省者乙巳詔福建省及諸司毋沮擾魏天祐銀課  
冬十月癸丑營田提舉司水官稼太陰犯牛宿距星  
甲寅癸惑犯右執法以馳運大都米五百石有奇給皇  
子北安王等部曲乙卯以八番羅甸隸湖廣省丙辰  
禁內外百官受人饋酒食者沒其家貲之半甲子壬子

太廟已已赤那主里合花山城置站一所癸酉尚書  
省臣言沙不丁以便宜增置洶東二鹽司合洶東西  
水害稼以平灤河間保定等路饑弛河泊之禁閏十  
月戊寅車駕還大都尚書省臣言南北鹽均以四百  
斤爲引今權豪家多取至七百斤莫若先貯鹽於席  
來則授之爲便從之庚辰桑哥言初改至元鈔欲盡  
收中統鈔故令天下鹽課以中統至元鈔相半輸官  
今中統鈔尚未可急欽宜令稅賦並輸至元鈔商民  
有中統料鈔聽易至元鈔以行然後中統鈔可盡

之月的迷失以首賊丘應祥董賢舉歸于京師癸未  
命遼陽行省給諸王乃蠻帶民戶乏食者乙酉命自  
今所授宣勅並付尚書省通州河西務饑民有  
去之他州者發米賑之丙戌西南生番心榜等八  
族計千二百六十戶內附廣東賊鍾明亮復反以衆  
萬人寇梅州江羅等以八千人寇漳州又詔諸賊  
二十餘處皆舉兵應之聲勢張甚詔月的迷失復與  
福建江西省合兵討之且諭旨月的迷失鍾明亮既  
降朕令汝遣之赴闕而汝玩常不發致有是變自今  
降賊其即遣之丁亥安南國王陳日烜遣使來貢方物

左右衛屯田新附軍以大水傷稼乏食發米萬四百石賑之辰星犯房己丑太陰犯畢熒惑犯進賢庚寅江西宣慰使胡順孫援沙不丁例請至元鈔千錠為行泉府司歲輸珍異物為息從之以胡順孫遣授行尚書省參政泉府大卿行泉府司事詔籍江南及四川戶口丙申寶坻屯田大水害稼河南宣慰司請給管內河間真定等路流民六十日糧遣還其土從之婺州賊葉萬五以衆萬人寇武義縣殺千戶一人江淮省平章不鄰吉帶將兵討之遣使鈞考大同錢穀及區別給糧人戶庚子取石泗濱為磨以補官磨之

樂辛丑羅斛女人二國遣使來貢方物癸卯禁殺羔羊浙西宣慰使史弼請討浙東賊以為浙東道宣慰使位合刺帶上甲辰武平路饑發常平倉米萬五千石賑保定等屯田戶饑給九十日糧檀州饑民劉德成犯獵禁詔釋之湖廣省臣言近招降贛州賊胡海等令將其衆屯田自給今過耕時不恤之恐生變命贛州路發米千八百九十石賑之丙午緬國遣委馬刺菩提班的等來貢方物十一月丙午朔回回昔寶赤百八十六戶居汴梁者申命宣慰司給其田丁未禁江南北權要之家毋沮鹽法戊申敕尚書省發倉

元史本紀卷十五  
賑大都饑民壬子漳州賊陳機察等八千人寇龍巖  
執千戶張武義與楓林賊合福建行省兵大破之  
陳機察丘大老張順等以其黨降行省請斬之以警  
衆事下樞密院議范文虎曰賊固當斬然旣降乃殺  
之何以示信宜並遣赴闕從之癸丑建寧賊黃華弟  
福結陸廣馬勝復謀亂事覺皆論誅甲寅瓜沙二州  
城壞詔發軍民修完之丙辰罷阿你哥所領采石提  
舉司發米五百八十七石給昔寶赤五百七十八人  
之乏食者丁巳平灤昌國屯戶饑賑米千六百五十  
六石改播州爲播南路丁卯詔山東東路毋得沮淘

金賑文安縣饑民陝西鳳翔屯田大水戊辰太陰犯  
亢巳巳發米千石賑平灤饑民改平恩鎮爲丘縣武  
平路饑免今歲田租桓州等驛饑以鈔給之十二月  
丁丑蠡州饑發義倉糧賑之戊寅罷平州望都榛子  
二驛放其戶爲民辛巳詔括天下馬一品二品官許  
乘五匹三品三匹四品五品二匹六品以下皆一匹  
平灤大水傷稼免其租小薛坐與合丹禿魯于通謀  
叛伏誅紹興路總管府叛官白絜矩言宋趙氏族入  
散居江南百姓敬之不衰久而非便宜悉徙京師桑  
哥以聞請擢絜矩爲尚書省舍人從之給王呂魯所

招集戶五百人九十日糧徙瓮吉刺民戶貧乏者就食六盤乙酉命四川蒙古都萬戶也速帶選所部軍萬人西征太白犯南斗丁亥封皇子闊闊出爲寧遠王河間保定二路饑發義倉糧賑之仍免今歲田租木鄰站經亂乏食給九十日糧命回回司天臺祭熒惑庚寅禿木合之地霜殺稼禿魯花之地饑給九十日糧甲午以官軍萬戶汪惟能爲征西都元帥將所部軍入漠其先戍漠兵無令還翼乙未蠲大名清豐逋租八百四十石命甘肅行省賑千戶也先所部人戶之饑者給鈔賑黃兀兒月良站人戶庚子武平饑

以糧二萬三千六百石賑之伯顏遣使來言邊民乏食詔賜網罟使取魚自給校都昔刺所部阿速戶飢出粟七千四百七十石賑之癸卯發麥賑廣濟署飢民是歲馬八兒國進花驢二寧山民張世安進嘉禾二本詔天下梵寺所貯藏經集僧看誦仍給所費俾爲歲例幸大聖壽萬安寺置旃檀佛像命帝師及西僧作佛事坐靜二十會免災傷田租真定三萬五千石濟寧二千一百五十四石東平一百四十七石大名九百二十二石汴梁萬三千九十七石冠州二十七名賜諸王公主駙馬如歲例爲金二十兩銀二千



元史本紀卷十六  
一  
代祀岳瀆海神后土戊午遼陽自乃顏之叛民甚疲  
敝發鈔五千八十錠賑之己未賜鎮遠王牙忽都靖  
遠王合帶塗金銀印各一章吉寇甘木里諸王木伯  
拜峇寒亦憐真擊走之庚申賑馬站戶饑給滕竭兒  
回回屯田三千戶牛種辛酉營懿州倉壬戌造長甲  
給北征軍乙丑伸思八兒木峇兒移刺四十石抹蠻  
忒四人以謀不軌伏誅丙寅合丹餘寇未平命高麗  
國發耽羅戍兵千人討之賜河西質子軍五百人馬  
丁卯熒惑犯房高麗國王王瞻言臣昔宿衛京師遭  
林衍之叛國內大亂高麗民居大同者皆籍之臣願

復以還高麗爲民從之己巳改西南番總管府爲永  
寧路辛未賜也速帶兒所部萬人鈔萬錠豐閏署田  
戶饑給六十日糧無爲路大水免今年田租癸酉忻  
都所部別笏兒田戶饑給九十日糧降臨淮府爲盱  
眙縣隸泗州復立興文署掌經籍板及江南學田錢  
穀合丹寇遼東海陽二月乙亥朔立全羅州道萬戶  
府江西諸郡盜未平詔江淮行省分兵一千益之命  
太僕寺毋隸宣徽院丙子新附屯田戶饑給六十日  
糧順州僧道士四百九十一人饑給九十日糧戊寅  
太陰犯畢開元路寧遠等縣饑民站戶逃徙發鈔二千

錠賑之播州安撫使楊漢英進雨糧千駙馬鐵別赤  
進羅羅斯雨糧六十刀五十弓二十已卯興州興安  
饑給九十日糧庚辰伯答罕民戶饑給六十日糧辛  
巳括河間昔寶赤戶口癸未泉州地震乙酉賑新附  
民居昌平者丙戌改奉先縣爲房山縣泉州地震巳  
丑江西羣盜鍾明亮等復降詔徙爲首者至京師而  
給其餘黨糧浙東諸郡饑給糧九十日庚寅太陰犯  
亢辛卯復立南康興國權茶提舉司秩從五品發虎賁  
更休士二千人赴上都修城河間路任丘饑給九十  
日糧癸巳晉陵無錫二縣霖雨害稼並免其田租江

西賊華大老黃大老等掠樂昌諸郡行樞密院討平  
之闡兀所部闡遺戶饑給六十日糧常寧州民遭群  
盜之亂免其田租巳亥保定路定興饑發粟五千二  
百六十四石賑之辛丑唆歡禾稼不登給九十日糧  
三月乙巳中山畋戶饑給六十日糧戊申廣濟署饑  
給粟二千一百五十石以爲種壬子熒惑犯鉤鈴薊  
州漁陽等處稻戶饑給三十日糧戊午出忙安倉米  
賑燕八撒兒所屬四百二十人已未改雲南蒙憐甸  
爲蒙憐路軍民總管府蒙萊甸爲蒙萊路放罷福建  
獵戶沙魚皮戶爲民以其事付有司總之發雲州民

元史本紀卷之六  
三  
夫鑿銀洞永昌站戶饑賣子及奴產者甚衆命甘肅省  
贖還給米賑之併福泉二州人匠提舉司爲一仍放  
無役者爲民庚申陞御史臺侍御史正四品治書侍  
御史正五品增蒙古經歷一員從五品罷行司農司  
及各道勸農營田司增提刑按察司僉事二員總勸  
農事四川行省舊移重慶成都之民苦於供給詔復  
徙治成都立江南營田提舉司秩從五品掌僧寺貲  
產放壽穎屯田軍千九百五十九戶爲民撤江南戍  
兵代之凡工匠隸呂合刺阿尼哥段貞無役者皆區  
別爲民詔風憲之選仍歸御史臺如舊制置金竹府

大隘等四十二砦蠻夷長官癸亥建昌賊丘元等稱  
大老集衆千餘人掠南豐諸郡建昌副萬戶擒斬之  
甲子楊震龍餘衆剽浙東總兵官討賊者多俘掠良  
民敕行御史臺分揀之凡爲民者千六百九十五人  
庚午以建昌路廣昌縣經鍾明亮之亂免其田租九  
千四百四十七石辛未太平縣賊葉大五集衆百餘  
人寇寧國皆擒斬之夏四月癸酉朔大駕幸上都婺  
州螟害稼雷雨大作螟盡死丙子太陰犯井辛巳命  
大都路以粟八萬二千五百六十四石賑通州河西務  
等處流民芍陂屯田以霖雨河溢害稼二萬二千四

百八十畝有奇免其租癸未罷海道運糧萬戶府江  
淮行省言近朝廷遣白紮矩來與沙不丁議令發兼  
并戶借宋宗族赴京人心必致動搖江南之民方患  
增課料民括馬之苦宜俟它日行之從之阿速敦等  
二百九十五人乏食命驗其實給糧賑之改利津海  
道運糧萬戶府爲臨清御河運糧上萬戶府諸王小  
薛部曲萬二千六十一戶饑給六十日糧發六衛漢  
軍萬人伐木爲修城具甲申以薦饑免今歲銀俸鈔  
其在上都大都保定河間平灤者萬一百八十錠在  
遼陽省者千三百四十八錠有奇丙戌遣桑吉刺失

等詣馬八兒國訪求方伎士壬辰熒惑守氏十餘日  
癸巳河北十七郡蝗千戶也先小闊闊所部民及喜  
魯不別等民戶並饑救河東諸郡量賑之千戶也不  
千所部乏食救發粟賑之太傅呂玉魯言招集幹者  
所屬亦乞烈今已得六百二十一人令與高麗民屯  
田宜給其食救遼陽行省驗實給之平山真定棗強  
三縣旱靈壽元氏二縣大雨雹並免其租丁酉以鈔  
二千五百錠賑昌平至上都站戶貧乏者定興站戶  
饑給二十日糧巳亥命考大都路貧病之民在籍者  
二千八百三十七人發粟二百石賑之庚子合丹復

寇海陽復立安和署從六品五月乙巳罷秦王典藏  
司收其印括江南闌遺人雜畜錢帛合丹寇開元戊  
申江西行省管如德江西行院月的迷失合兵討反  
寇鍾明亮明亮降詔縛致闕下如德等留不遣明亮  
復率衆寇贛州樞密院以如德等違詔縱賊請誥之  
從之詔罷江西行樞密院庚戌陝西南市屯田隕霜  
殺稼免其租壬子賜諸王鐵木兒等軍一萬七百人糧一  
人一從者五石二人一從者七石五斗丙辰發粟賑御河  
船戶敘州等處諸部蠻夷進雨氊八百戊午移江西行省  
於吉州以便捕盜尚書省遣人行視雲南銀錢發銀四千

四十八兩奏立銀場官秩從七品出魯等千一百一  
十五戶饑給六十日糧癸亥敕諸王分地之民有訟  
王傳與所置監郡同治無監郡者王傳聽之平灤民  
萬五千六百四十五戶饑賑粟五千石徽州績溪賊  
胡發饒必成伏誅乙丑太陰犯填星丙寅罷奉宸庫遷  
江西行尚書省參政楊文璨爲左丞文璨踰歲不之  
官詔以外刺帶代之外刺帶至文璨復署事桑哥乃  
奏文璨陞右丞江西行省言吉贛湖南廣東福建以  
禁弓矢賊益發乞依內郡例許尉兵持弓矢從之已  
巳立雲南行御史臺命徹里鐵木兒所部女直高麗

契丹漢軍輸地稅外並免他徭江陰大水免田租萬  
七百九十石庚午復置諸王也只里王傳秩正四品  
尚珍署廣備等屯大水免其租伯夔民乏食命撒的  
迷失以車五百兩運米千石賑之婺州永康東陽處  
州縉雲賊呂重二楊元六等反浙東宣慰使史弼禽  
斬之泉州南安賊陳七師反討平之括天下陰陽戶  
口仍立各路教官有精于藝者歲貢各一人六月壬  
申朔陞閩塩州爲柏興府降普樂州爲閩塩縣金州  
爲金縣河溢太康沒民田三十一萬九千八百餘畝  
免其租八千九百二十八石納鄰等站戶饑給九十

日糧甲戌桑州總管黃布蓬那州長羅光寨安郡州  
長閉光過率蠻民萬餘戶內附丙子放保定工匠楚  
通等三百四十一戶爲民庚辰從江淮行省請陞廣  
濟庫爲提舉司秩從五品用江淮省平章沙不丁言  
以叅政王巨濟鈞考錢穀有能賞鈔五百錠繕寫金  
字藏經凡糜金三千二百四十四兩廣州增城韶州  
樂昌以遭畬賊之亂並免其田租杭州賊唐珍等伏  
誅己丑熒惑犯房辛卯敕應昌府以米千二百石給  
諸王亦只里部曲壬辰別給江西行省印以便分省  
討賊泉州大水丙申發侍衛兵萬人完都城丁酉大

元史本紀卷之六  
七  
司徒撒里蠻翰林學士承旨兀魯帶進定宗實錄已  
亥棣州厭次濟陽大風雹害稼免其租庚子從江西  
省請發各省戍兵討賊辛丑免河間保定平灤歲賦  
絲之半懷孟路武陟縣汴梁路祥符縣皆大水蠲田  
租八千八百一十八石秋七月終南等屯霖雨害稼  
萬九千六百餘畝免其租丙午禁平地忙安倉釀酒  
犯者死戊申江西霖雨贛吉袁瑞建昌撫水皆溢龍  
興城幾沒癸丑罷緬中行尚書省江淮省平章沙不  
丁以倉庫官盜欺錢糧請依宋法黥而斷其腕帝曰  
此回回法也不允免大都路歲賦絲戊午貴州猫蠻

三十餘人作亂劫順元路入其城遂攻阿牙寨殺傷  
官吏其衆遂盛湖廣省檄八番蔡州均州二萬戶府  
及八番羅甸宣慰司合兵討之鳳翔屯田霖雨害稼  
免其租建平賊王靜照伏誅辛酉熒惑犯天江壬申  
駐蹕老鼠山西乙丑蕪湖賊徐汝安孫惟俊等伏誅  
丙寅雲南閣力白衣甸酋長凡十一甸內附丁卯用  
桑哥言詔遣慶元路總管毛文豹搜括宋時民間金  
銀諸物已而罷之滄州樂陵旱免田租三萬三百五  
十六石江夏水溢害稼六千四百七十餘畝免其租  
魏縣御河溢害稼五千八百餘畝免其租百七十五

石八月辛未朔日有食之併廣東道真陽滄光二縣  
 為英德州沁水溢害異氏民田免其租禁諸人毋沮  
 平陽太原大同宣課丁丑廣州清遠大水免其租庚  
 辰免大都平灤河間保定四路流民租賦及酒醋課  
 丁亥復徙四川南道宣慰司于重慶府以南安贛建  
 昌豐州嘗罹鐘明亮之亂悉免其田租癸巳地大震  
 武平尤甚壓死按察司官及總管府官王連等及民  
 七千二百二十人壞倉庫局四百八十間民居不可  
 勝計巳亥帝聞武平地震慮乃顏黨入寇遣平章政  
 事鐵木兒樞密院官塔魯忽帶引兵五百人往祖九

月壬寅河東山西道似敕宣慰使阿里火者炒米  
 之癸卯歲星犯鬼申嚴漢八田獵之禁乙巳禁諸王  
 遣僧建寺擾民敕河東山西道宣慰使阿里火者  
 大同鈔本二十萬錠糴米賑饑民平章政事閣里鐵  
 木兒帥師與合丹戰于瓦法大破之丁未御河決高  
 唐沒民田命有司塞之戊申武平地震盜賊乘隙剽  
 劫民愈憂恐平章政事鐵木兒以便宜蠲租賦罷商  
 稅弛酒禁斬為盜者發鈔八百四十錠轉海運米萬  
 石以賑之金竹府知府掃閭賣馬及兩犴且言金竹  
 府雖內附蠻民多未服近與趙堅招降竹古弄古魯

花等三十餘寨乞立  
 已酉福建省以管內  
 調下萬戶一軍赴之  
 百人戍鄂州辛亥修  
 卯命江淮行省鈞考  
 置四巡檢司于宿遷  
 會通河上供之物禁  
 甘麻刺為梁王賜金  
 戌立會通汶泗河道  
 言江陰寧國等路太  
 縣設長官總把參用土人從之  
 登賊鋒起請益戍兵命江淮省  
 發蒙古都萬戶府探馬赤軍五  
 東海廣德王廟丙辰赦天下丁  
 行教坊司所總江南樂工租賦  
 之北以所罷陸運夫為兵護送  
 發民挽舟冬十月壬申封皇孫  
 卯出鎮雲南癸酉亭于太廟甲  
 提舉司從四品丁丑尚書省臣  
 水民流移者四十五萬八千四

百七十八戶帝曰此亦何待上聞當速賑之凡出粟  
 五十八萬二千八百八十九石已外增上都留守司  
 副留守判官各一員從甘肅行省請察管內民千三  
 百人為兵以戍其境  
 刺思等饑命寧夏路  
 酒乙酉門峇占自行  
 洞吳湯暖等凡二十一  
 邊幣帛十萬匹已五  
 赤歲取鷓鴣成都擾民  
 屯大水免租萬三千  
 罷之十一月辛丑廣濟署洪濟  
 新作太廟登歌官懸樂以昔寶  
 洞以二千餘戶內附丁亥賜北  
 御史臺入觀梁洞梁宮朝吳曲  
 給米三千石賑之禁大同路釀  
 三已太白犯斗只深所部八魯  
 路米三千石賑之禁大同路釀  
 洞以二千餘戶內附丁亥賜北  
 新作太廟登歌官懸樂以昔寶  
 罷之十一月辛丑廣濟署洪濟  
 屯大水免租萬三千  
 一百四十一石與松二州墮霜

殺禾免其租隆興中  
丁未大同路家古多  
達魯花赤總之食糶  
申太陰掩鎮星彘哥言  
代官居五年不赴登  
可終棄帝復允其請  
建盜賊已平惟浙東  
三萬戶以合刺帶一  
溫處札忽帶一軍戍  
皆與賊通今以高郵  
益漕等驛饑發鈔七千錠賑之  
寫名文牒置千戶百戶十戶以  
戶以富為貧者籍家資之半戍  
向奉詔內外官受命不赴及受  
者罷不復叙臣謂苟無大故不  
江淮行省平章不憐言帶言福  
一遣地極邊惡賊所巢穴復還  
軍戍泂海明台亦怯烈一軍戍  
紹興娶其寧國徽初用土兵後  
泰兩萬戶漢軍劫地而成揚州

建康鎮江三城跨據大江人民繁會置七萬戶府杭州行省諸司府庫所在置四萬戶府水戰之法舊止千所今擇瀕海泂江要害二十二所分兵閱習伺察諸盜錢塘控扼海口舊置戰船二十艘故海賊時出奪船殺人今增置戰船百艘海船二十艘故盜賊不敢發從之庚戌罷雲南會川路采碧甸子甲寅禁上都釀酒乙卯貴赤二百三十戶乏食發粟賑之己未禁山後釀酒庚申賜伯顏所將兵幣帛各萬三千四百匹綿三千四百斤辛酉太陰掩左執法隆興路隕霜殺稼免其田租五千七百二十三石壬戌大司徒撒

里蠻翰林學士承旨兀魯帶進太宗實錄癸亥河決祥符義唐灣太康通許陳穎二州大被其患甲子御史臺言江南盜起討賊官利其剽掠復以生口克贈遺請給還其家帝嘉納之徙河北河南道提刑按察司治許州罷大都東西二驛脫脫禾孫以通政院總之乙丑易水溢雄莫任丘新安田廬漂沒無遺命有司築堤障之丙寅括遼陽馬六千匹擇肥者給闡里鐵木兒所部軍丁卯立新城權場平地脫脫禾孫遣使鉤考延安屯田降南雄州爲保昌縣韶州爲曲江縣十二月辛未以衛尉院爲太僕寺戊寅免大都平灤

保定河間自至元二十四年至二十六年逋租十三萬五百六十二石己卯命樞密院括江南民間兵器及將士習武如戊子歲詔甲申遣兵部侍郎靳榮等閱實安西鳳翔延安二道軍戶元籍四千外復得三萬三千二百八十丁樞密院欲以爲兵桑哥不可帝從之丙戌興化路仙遊賊朱三十五集衆寇青山萬戶李綱討平之京兆省上屯田所出羊價鈔六百九錠敕以賜札散暗伯民貧乏者辛卯太陰犯亢乙未初分萬億爲四庫以金銀輸內府至是立提舉富寧庫秩從五品以掌之大同路民多流移免其田租二萬

一千五百八石洪贊灤陽驛饑給六十日糧不耳荅失所部減乞里饑給九十日糧詔諸王乃蠻帶遼陽行省平章政事薛闡干右丞洪察忽摘蒙古軍萬人分戍雙城及婆婆府諸城以防合丹兵已亥省溧陽路爲縣八建康湖廣省上二年宣課珠九萬五百一十五兩處州青田賊劉甲乙等集衆萬餘人寇溫州平陽是歲賜諸王公主駙馬金銀鈔幣如歲例命帝師西僧迺作佛事坐靜于萬壽山厚載門茶罕腦兒聖壽萬安寺桓州南屏庵雙泉等所凡七十二會斷死罪七十二人

二十八年春正月壬寅太白熒惑鎮星聚奎癸卯給諸王愛牙赤印命玄教宗師張留孫置醮祠星三日上都民仰食于官者衆詔傭民運米十萬石致上都官價石四十兩命留守木八剌沙總其事辛亥罷汴梁至正陽杞縣睢州中牟鄭唐鄧十二站站戶爲民癸丑高麗國遣使來貢方物丁巳遣貴由赤四百人北征辛酉罷江淮漕運司併於海船萬戶府由海道漕運併浙西金玉人匠提舉司入浙西道金玉人匠總管府降無爲和州二路六安軍爲州巢州爲縣入無爲並隸廬州路升安豐府爲路降壽春府懷遠軍爲

縣懷遠入濠州並隸安豐路升各處行省理問所爲四品免江淮貧民至元十二年至二十五年所逋田租二百九十七萬六千餘石及二十六年未輸田租十三萬石鈔千一百五十錠絲五千四百斤綿千四百三十餘斤罷淘金提舉司立江東兩浙都轉運使司壬戌以扎散禿禿合總兵于貧古之地命有司供其軍需敕大同路發米賑貧古饑民尚書省臣桑哥等以罪罷二月辛未賜也速帶兒所部兵驟馬萬匹徙萬億庫金銀入禁中富寧庫尚書省言大同仰食于官者七萬人歲用米八十萬石遣使覆驗不當給

者萬三千五百人乞徵還官從之癸酉以隴西四川總攝輦真朮納思爲諸路釋教都總統改福建行省爲宣慰司隸江西行省詔行御史臺勿聽行省節度雲南行省言敘州烏蒙水路險惡舟多破溺宜自葉稍水站出陸經中慶又經鹽井上老必撒諸蠻至敘州慶符可治爲驛路凡立五站從之也速帶兒汪總帥言近制和雇和買不及軍家今一切與民同詔自今軍勿輸丙子罷徵理司上都太原饑免至元十二年至二十六年民間所逋田租三萬八千五百餘石遣使同按察司賑大同太原饑民口給糧兩月或三

月以桑哥黨與罷揚州路達魯花赤唆羅兀思遣官覆驗水達達成平貧民賑之丁丑以太子右詹事完澤爲尚書右丞相翰林學士承旨不忽木平章政事詔告天下以列兀難粳米賑給貧民己卯遣官持香詣中嶽南海淮瀆致禱立金齒等處宣慰司都元帥府以上都虎賁士二千人屯田官給牛具農器用鈔二萬錠以雲南曲靖路宣撫司所轄地廣民心未安改立曲靖等處宣慰司管軍萬戶府以鎮之辛巳以湖廣行省八番羅甸司復隸四川省壬午以桑哥沮抑臺綱又箠監察御史命御史大夫月兒魯辨之癸

未太陰犯左執法大駕幸上都是日次大口復召御史臺及中書尚書兩省官辯論桑哥之罪復以闡遺監隸宣徽院詔毋沮擾山東轉運使司課程甲申太白犯昴命江淮行省鈎考沙不汀所總詹事院江南錢穀乙酉立江淮湖廣江西四川等處行樞密院詔論中外江淮治廣德軍湖廣治岳州江西治汀州四川治嘉定丙戌詔改提刑按察司爲肅政廉訪司每道仍設官八員除二使留司以總制一道餘六人分臨所部如民事錢穀官吏奸弊一切委之俟歲終省臺遣官考其功效以集賢大學士何榮祖爲尚書右丞

集賢學士賀勝爲尚書省叅知政事詔江淮行省遣  
蒙古軍五百漢兵千人從皇子鎮南王鎮揚州執河  
間都轉運使張庸仍遣官鈎考其事丁亥營建宮城  
南面周廬以居宿衛之士執湖廣要束木詣京師戊  
子籍要束木家貲金凡四千兩辛卯封諸王鐵木兒  
不花爲肅遠王賜之印壬辰雨壞太廟第一室奉遷  
神主別殿癸巳籍桑哥家貲遣行省行臺官發粟賑  
徽之績溪杭之臨安徐杭於潛昌化新城等縣饑民  
命江淮行省叅政燕公楠整治鹽法之弊丁酉詔加  
嶽瀆四海封號各遣官詣祠致告三月己亥朔真定

河間保定平灤饑平陽太原尤甚民流移就食者六  
萬七千戶饑而死者三百七十一人桑哥妻弟八吉  
由爲燕南宣慰使以受賂積贓伏誅仆桑哥輔政碑  
太原饑嚴酒禁丁未太陰犯玉女巳酉太陰犯右執  
法庚戌太陰犯太微東垣上相甲寅常德路水免田  
租二萬三千九百石乙卯太白犯五車乃顏所屬牙  
兒馬兀等同女直兵五百人追殺內附民餘千人遣  
塔海將千人平之辛酉呂連站木赤五十戶饑賑三  
月糧發侍衛兵營紫檀殿壬戌以甘肅行省右丞崔  
滋爲中書右丞南丹州莫國麟入覲授國麟安撫使

三珠虎符杭州平江等五路饑發粟賑之仍弛湖泊  
蒲魚之禁溧陽太平徽州廣德鎮江五路亦饑賑之  
如杭州武平路饑百姓困於盜賊軍旅免其去年田  
租凡州郡田嘗被灾者悉免其租不被灾者免十之  
五罷甘州轉運司江淮豪家多行賄權貴爲府縣卒史  
容庇門戶遇有差賦惟及貧民詔江淮行省嚴禁之  
賑遼陽武平饑民仍弛捕獵之禁夏四月己巳禁屠  
宰牝羊甲戌詔各路府州司縣長次官兼管諸軍與  
衆以地震故免侍衛兵籍武平者今歲徭役增置欽  
察衛經歷一員用漢人爲之餘不得爲例庚辰弛杭

州西湖禽魚禁聽民網罟丙戌詔凡負幹脫銀者入  
還皆以鈔爲則乙未歲旱犯輿鬼以沙不丁等米賑  
江南饑民詔朱清張瑄諸闕庚寅併總制院入宣政  
院以鈔法故召葉李還京師乙未徙湖廣行樞密院  
治鄂州丙申以米三千石賑活里吉思饑民五月戊  
戌召江西行樞密院副使河里詣闕升章佩監秩三  
品遣脫脫塔刺海忽辛三人追究僧官江淮摠攝楊  
璉真加等盜用官物以叅知政事廉希恕爲湖廣等  
處行省右丞行海北海南道宣慰使都元帥瓊州安  
撫使陳仲達海北海南道宣慰使都元帥湖廣行省

左右司郎中不顏于思別十八里副元帥王信並同知海北海南道宣慰司事副元帥並佩虎符將二千二百人以征黎蠻僚屬皆從仲達辟置立左右兩江宣慰司都元帥府壬寅太陰犯小民徙江淮行樞密院治建康甲辰中書省臣麥木丁崔彘言桑哥當國四年諸臣多以賄進親舊皆授要官唯以欺蔽九重朘削百姓爲事宜令兩省嚴加考以並除名爲民從之要束木以桑哥妻黨爲湖廣行省平章至是坐不法者數十事詔械致湖廣省誅之辛亥以太原及杭州饑免今歲田租增河東道宣慰使一員徵太子贊

善劉因因前爲太子贊善以繼母病去至是母亡以集賢學士徵之不起罷脫脫塔刺海忽辛等理筭僧官錢穀罷江南六提舉司歲輸木綿鞞昌舊惟總帥府桑哥特升爲宣慰司以其弟答麻刺答思爲使桑哥敗懼誅自殺至是復總帥府增置異珍御帶二庫秩從五品並設提點使副各一員減中外冗官三十七員官城中建蒲萄酒室及女工室詔以桑哥罪惡繫獄按問誅其黨要束木八吉等發兵塞晃火兒月連地河渠修城堡令蒙古戍兵屯田川中以禦寇癸丑罷尚書省事皆入中書改尚書右丞相右詹事完

澤爲中書右丞相平章政事麥木丁不忽木金中書平章政事尚書右丞何榮祖中書右丞尚書左丞馬紹中書左丞參知政事賀勝高翥並參知中書政事征東行尚書省左丞相駙馬高麗國王王瞻爲征東行中書省左丞相罷大都燒鈔庫仍舊制各路昏鈔令行省官監燒增置戶部司計工部司程正七品甲寅太陰犯牛賑上都桓州榆林昌平武平寬河宣德西站女直等站饑民乙卯以政事悉委中書仍遣使布告中外詔禁失陷錢糧者託故詣京師丁巳建白塔二各高一丈二尺以居呪師朶四的性吉等七人

何榮祖以公規治民禦盜理財等十事緝爲一書名曰至元新格。命刻版頒行使百司遵守桑哥嘗以劉秉忠無子收其田土。其妻竇氏言秉忠嘗鞠猶子蘭章爲嗣。敕以地百頃還之。己未以門荅占復爲御史大夫行御史臺事高麗國王王瞻乞以其子諤爲世子詔立諤爲高麗王世子授特進上柱國賜銀印六月丁卯朔禁蒙古人往回回地爲商賈者湖廣饑敕以刺里海牙米七萬石賑之辛巳洞蠻鎮遠立黃平府乙酉以雲南諸路行省參知政事兀難爲梁王傳洗國王洞主市備什王弟同來朝益江淮行院兵二萬

擊郴州桂陽寶慶武岡四路盜賊以汴梁逃人男女  
配偶成家給農具耕種丙戌勅屯田官以三歲為滿  
互於各屯內調用宣諭江淮民恃總統璉真加力不  
輸租者依例徵輸辛卯太陰犯畢癸巳以漣海二州  
隸山東宣慰司秋七月丙申朔雲南省參政怯刺言  
建都地多產金可置冶令旁近民煉之以輸官從之  
已亥太白犯井詔諭尚州等處諸洞蠻夷庚子徙江  
西行樞密院治贛州乙巳大都饑出米二十五萬四  
千八百石賑之戊申揚州路學正李淦上言人皆知  
桑哥用羣小之罪而不知尚書右丞葉李妄舉桑哥

御史兩府妻子祚掌勅行尚書省官  
桑哥誣以他罪  
還之禁屠宰馬  
江南諸省買銀  
者八萬三千  
六百人以蒙古漢人宋人參為萬戶  
千戶百戶領之  
遠陽諸路連歲荒加以軍旅民苦饑  
穀米二萬石賑  
之二百戶交趾王弟陳益稷右丞陳  
巖鄭鼎子那懷  
並請京師癸丑賜師辟洞安撫司師  
辟鎮撫所師羅

千戶所印安撫司從三品餘皆五品丁巳桑哥伏誅  
募民耕江南曠土戶不過五頃官授之券俾為永業  
三年後徵租遣戍散總兵討平江南盜賊己未降江  
陰路為州宜興府為縣並隸常州路移揚子縣治新  
城分華亭之上海為縣松江府隸行省罷湖金提舉  
司江淮人匠提舉司凡五以其事並隸有司兩壞都  
城農兵二萬人築之增置各衛經歷一員俾漢人為  
之王成弛畿內秋耕禁八月乙丑朔平陽地震壞民  
廬舍為有八百二十六區壓死者百五十人丙寅太  
白犯與鬼己巳置中書省檢校二員秩正七品俾者

工部文案踈緩者罷江而著廢行泉府司大都  
甲匠總管府廣州人匠提舉司德路錄事司罷泉  
州至杭州海中水站十五所撫州踏餓免去歲未輸  
田租四千五百石馬八兒國遣使進花牛二水牛土  
鹿各一丙子太陰犯牽牛大名之濟河南樂諸縣霖  
雨害稼免田租萬六千六百六十九石己卯詔諭思  
州提督溪洞官楊都要招安叛蠻悔過來歸者與免  
本罪罷雲南四州立東川府癸未歲星犯軒轅大星  
乙酉遣使遠忽阿散乘傳詣雲南捕黑虎戊子太白  
犯軒轅大星并犯歲星明南蕃邦遣馬不刺罕丁進

金書寶塔及黑獅子番布藥物等州水免田租四萬  
一千六百五十五辛卯命工部造飛車五兩癸巳太  
陰掩災惑九月辛丑以平章政事麥木丁尚議中書  
省事復以哈喜魯丁平章政事代之乙巳景州河間  
等縣霖雨害稼免田租五萬六千五百九十五石丙  
午立行宣政院治杭州己酉設安西延安鳳翔三路  
武田總管府庚戌太白犯右執法襄陽南障縣民李  
氏妻黃一產三男辛亥安南王曠日烜遣使上表貢  
方物且謝不朝之罪徽州績溪縣賊未平免二十七  
年田租禁宣德府田獵壬子酒醋課不兼隸茶鹽運

司仍隸各府縣立乞里台思至外刺等六驛命海船  
副萬戶楊祥合迷張文虎並爲都元帥將兵征瑠求  
置左右兩萬戶府官屬皆從祥選辟旣又用福建吳  
誌斗言祥不可信宜先招諭之乃以祥爲宣撫使佩  
虎符阮監兵部員外郎誌斗禮部員外郎並銀符齎  
詔往瑠求明年楊祥阮監果不能達瑠求而還誌斗  
死于行時人疑爲祥所殺詔福建行省按問會赦不  
治乙卯以歲荒免平灤屯田二十七年田租三萬六  
千石有奇丙辰熒惑犯左執法戊子太白犯熒惑徙  
四川行樞密院治成都以八忽荅兒秃魯歡唆不闌

脫兒赤四翼蒙古兵復隸蒙古都萬戶府庚申以鐵里爲禮部尚書佩虎符阿老瓦丁不刺並爲侍郎遣使俱藍辛酉歲星犯少民免大都今歲田租保定河間平灤三路大水被災者全免收成者半之以別鐵木兒亦列失金爲禮部侍郎使馬八兒國陝西脫西爲禮部侍郎佩金符使于馬都尚衣局織無縫衣冬十月乙丑朔賜薛徹溫都兒等九驛貧民三月糧已已修太廟在真定傾壞者壬申以前緬中行尚書省平章政事雪雪的斤爲中書省平章政事癸酉享太廟遣使發倉賑大同屯田兵及教化的所部軍士之

饑者江淮行省言鹽課不足由私鬻者多乞付兵五千巡捕從之塔刺海張忽辛崔同知並坐理筭錢穀受賕論誅辛巳召高麗國王王晷公主忽都魯揭里迷失詣闕癸未羅斛國王遣使上表以金書字仍貢黃金象齒丹頂鶴五色鸚鵡翠毛犀角篤縟龍腦等物高麗國饑給以米二十萬斛罷各處行樞密院事入行省割八番洞蠻自四川隸湖廣行省丙戌太陰犯軒轅大星并御女丁亥洞蠻爛土立定雲府改陳蒙洞爲陳蒙州合江爲合江州嚴山後酒禁中書省臣言洞蠻請歲進馬五十匹兩氊五十被刀五十握

丹砂雌雄黃等物率二歲一上有詔從其所爲己丑  
太陰犯太微東垣上相敕沒入璉真加沙不丁烏馬  
兒妻並遣詣京師召行省轉運司官赴京師集議治  
賦法辛卯諸王出伯部曲饑給米賑之癸巳武平路  
饑免今歲田租以武平路總管張立道爲禮部尙書  
使交趾免衛輝種仙茅戶徭役從遼陽行省言以乃  
顏合丹相繼叛詔給蒙古人內附者及開元南京水  
達達等三萬人牛畜田器詔嚴益都般陽泰安寧海  
東平濟寧收獵之禁犯者沒其家貲之半十一月丙  
申以甘肅曠土賜昔寶赤合散等俾耕之壬寅遣左

吉奉使新合刺的音甲辰太白犯房減太府監冗員  
三十一人罷器備行內藏二庫詔回回以荅納珠克  
獻及求售者還之留其估以濟貧者塔義兒塔帶民  
饑發米賑之給按荅兒民戶四月糧罷海道運糧鎮  
撫司丙午熒惑犯亢丁未太陰犯畢耽羅遣使貢東  
紵百匹太史院靈臺上修祀事三晝夜甲寅太陰犯  
歲星郴州路達魯花赤曲列有罪論誅復置會同館  
禁沮擾益都淘金乙卯新添葛蠻木安撫率洞官阿  
汾青貴來貢方物監察御史言沙不丁納速刺丁減  
里烏里兒王巨濟璉真加沙的教化的皆桑哥黨與

受賕肆害使江淮之民愁怨載路今或繫獄或釋之此臣下所未能諭帝曰桑哥已誅納剌丁滅里在獄唯沙不丁朕姑釋之耳武平平灤諸州饑苑獵禁其孕字之時勿捕諭中書議增中外官吏俸戊午金齒國遣阿腮入覲庚申熒惑犯氏辛酉升宣德龍門鎮爲望雲縣割隸雲州置望雲銀冶十二月乙丑復都水監秩從三品遣官迓雲南鴨池所遣使遼陽洪寬女直部民饑借高麗粟賑給之籍探馬赤八忽帶兒等六萬戶成丁者爲兵丁卯高麗國鴨綠江西十九驛經乃顏反掠其馬畜給以牛各四十大都饑下其

價糶米二十萬石賑之己巳詔罷遣官招集畏兀氏改辰沅靖州轉運司爲湖北湖南道轉運司立葛蠻軍民安撫司宣政院臣言宋全太后瀛國公母子以爲僧尼有地三百六十頃乞如例免徵其租從之辛未以鐵滅爲兵部尚書佩虎符明思昔荅失爲兵部侍郎佩金符使于羅孛卜兒御史臺臣言鈞考錢穀自中統初至今餘三十年更阿合馬桑哥當國設法已極而其餘黨公取賄賂民不堪命不如罷之有旨議擬以聞壬申立河南江北行中書省治汴梁撤里蠻老壽並爲大司從領太常寺中書省臣言江南在

宋時差徭爲民七十有餘歸附後一切未徵。今分隸諸王城邑歲賜之物仰給京師。又中外官吏俸少似宜量添。可令江南依宋時諸名征賦盡輸之。何榮祖言宜召各省官任錢穀者詣京師集議科取之法以聞從之。甲戌詔罷鈎考錢穀應昔年逋負錢穀文卷聚置一室。非朕命而視之者有罪。仍遣使布告中外。庚辰太陰犯御女江北州郡割隸河南江北行中書省。改江淮行省爲江浙等處行中書省。治杭州。賑闕闕出饑民米。闍里帶言乃顏餘黨竄女直之地。臣與月兒魯議乞益兵千五百人可平之。從之。癸未太陰

犯東垣。上相廣濟署大昌等屯水免田租萬九千五百石。平灤路及豐贍濟民二署饑出米萬五千石。賑之。別都兒丁前以桑哥專恣不肯仕命。仍爲中書左丞。丙戌八番洞官吳金叔等以所部二百五十寨民二萬有奇內附。詣闕貢方物。戊子詔釋天下囚。非殺人抵罪者已。丑熒惑犯房庚寅熒惑犯鈎鈐升營田提舉司爲規運提點所。正四品。辛卯濬運糧垣河築隄防。授吃刺思八幹節兒爲帝師。統領諸國僧尼釋教事。賜親王公主附馬金銀鈔弊如歲例。令僧羅藏等迺作佛事。坐靜于聖壽萬安涿州寺等所。凡五十

度遣真人張志仙持香詣東北海嶽濟瀆致禱戶部  
 上天下戶數內郡百九十九萬九千四百四十四江  
 淮四川一千一百四十三萬八百七十八口五千九  
 百八十四萬八千九百六十四游食者四十二萬九  
 千一百一十八司農司上諸路所設學校二萬一千  
 三百餘墾地千九百八十三頃有奇植桑棗諸樹二  
 千二百五十二萬七千七百餘株義糧九萬九千九  
 百六十石宣政院上天下寺宇四萬二千三百一十  
 八區僧尼二十一萬三千一百四十八人斷死刑五  
 十五人

本紀卷第十六

本紀卷第十七

元史十七

南 京 國 子 監 祭 酒 侯 恪

司 業 謝德溥 補修

世祖十四

二十九年奉正月甲午朔以日食免朝賀日食時左  
 右有珥上有抱氣丙申雲南行中書省言羅甸歸附  
 後改普定府隸雲南省二十餘年今朔羅甸宣慰安  
 撫司隸湖南省不便乞罷之仍以其地隸雲南省制  
 日可戊戌清州饑就陵州發粟四萬七千八百石賑  
 之己亥命太史令郭守敬兼領都水監事仍置都水

監少監丞經歷知事凡八員八作司官舊制六員今分爲左右二司增官二員庚子江西行省左丞高興言江西福建汀漳諸處連年盜起百姓入山以避乞降旨招諭復業福建鹽課旣設運司又設四鹽使司今若設提舉司專領鹽課其酒稅課悉歸有司爲便福建銀鐵又各立提舉司亦爲冗濫請罷去詔皆從之禁商賈私以金銀航海壬寅以午平地地震全免去年稅四千五百三十六錠今年量輸之止徵二千五百六十九錠癸卯命玉典赤阿里置司邕州以便糧餉而以輕軍邏思明州以漢天師張宗演男與棣嗣

其教陞利用監正三品甲辰詔江南州縣學田其歲入聽其自掌春秋釋奠外以廩師生及士之無告者貢士莊田則令覈數入官乙巳賜諸王失都兒金千兩丙午河南福建行中書省臣請詔用漢語有旨以蒙古語諭河南漢語諭福建罷河南宣慰司以汴梁襄陽河南南陽歸德皆隸河南行省復割湖廣省之德安漢陽信陽隸荆湖北道蘄黃隸淮西道并淮東道三宣慰司咸隸河南省其荆湖北道宣慰司舊領辰沅澧靖歸常德直隸湖廣省從葛蠻軍民安撫使宋子賢詔諭未附平伐大甕眼紫江皮陵潭溪九

堡等處諸洞貓蠻戊申太陰犯歲及軒轅左角巳酉興  
 州之興安宜與兩縣飢賑米五千石罷南雄韶州惠  
 州三路錄事司壬子桓州至赤城站戶告飢給鈔計  
 口賑之癸丑罷四賓庫復會同館初置織造段匹提  
 舉司五八番都元帥劉德祿言新附洞蠻十五寨請  
 置官府以統之詔設陳蒙爛土軍民安撫司江西行  
 省伯顏阿老瓦丁言蒙山歲課銀一萬五千兩初制  
 鍊銀一兩免役夫田租五斗今民力日困每兩擬免  
 一石帝曰重困吾民民何以生從之丙辰播州洞蠻  
 因籍戶懷疑竄匿降詔招集之以行播州軍民撫使

使楊漢英為紹慶珍州南平等處沿邊宣慰

行播

州軍民宣撫使播州等處管軍萬戶仍佩虎符壬戌  
 召嗣漢天師張與棟赴闕二月甲子朔金符首長騷  
 驢貢馬種各二十有七從其請減所部貢馬騷詔招  
 諭之賜新附黑蠻衣襖遣回命進所產朱砂雄黃之  
 精善者無則止建德代祀嶽瀆后土四海乙丑路輝  
 州龍山里州和守等縣飢民糧一月丁卯酸子近郊  
 命宿衛受月廩及蒙古軍以艱食受糧者宣徽院仍  
 領之己巳太陰犯畢發通州河西務粟賑東安固安劉  
 州寶坻縣飢民申禁鞭背庚午斡羅思招附桑列生

猶羅甸國古州等峒酋長三十二所部民十一萬九千三百二十六戶詣闕貢獻壬申敕遣使分行諸路釋死罪以下輕囚澤州獻嘉禾乙亥立總管高麗妻直漢軍萬戶府領銀印總軍六千人以泉府太監為福建行中書省平章政事將兵征瓜哇用海船大小五百艘軍士二萬人戊寅立征行左右軍都元帥府都元帥四副都元帥二上萬戶府達魯花赤四萬戶皆四副萬戶八鎮撫四各佩虎符詔加高麗王王暎太保仍錫功臣之號詔從諸王阿秃作者朶羅

帶以付闕里吉思脫迭出以付阿里抄兒亦以付月的迷失合麥以付亦黑迷失使從軍自效又詔諸王從合丹作亂者訥答兒之鎮南王所聶怯來之合刺合孫答刺罕所阿秃之雲南王所朶列秃之阿里所八里帶之月的迷失所斡里羅忽里帶之袁海發義倉官倉糧賑德州齊河清平泰安州饑民庚辰月兒魯等言納遠刺丁滅里忻都王巨濟黨比希哥恣為不法楮幣銓選益課酒稅無不更張變亂之術命江南理筭者皆嚴急輸期民至嫁妻賣女禍及親鄰楊錢塘受害最慘無故而隕其生五百餘人其物

民猶疑事出國家今乃知天子仁愛元元而使民室  
此極者實桑哥及其凶黨之為莫不願食其肉臣等  
議此三人既已伏辜乞依條論坐以謝天下從之亦  
亦迷失招無籍民千四百三十六戶請隸東宮詔命  
之耕田辛巳從樞密院臣賄伯等請就襄陽給曲先塔  
林合刺魯六百三十七戶田器種粟俾耕而食丁亥以  
汪惟和為鞏昌等二十四處便宜都總帥燕鞏白曰府尹  
朽佩虎符御史臺月兒魯崔或等言馮子振劉道元指  
原桑哥同列罪惡詔令省臺臣及書文用留夢炎等議  
其一言蕭林諸臣撰桑哥輔政碑者應訪使聞復近

已免官餘請聖裁帝曰死者勿論其存者罰不可恕  
也乞台不花等使緬國詔令遙授左丞廷議以尚書  
行使事其副以郎中處之制曰可戊子禁杭州放鷹  
已丑歲星犯軒轅大星庚寅宣政院臣言授諸路釋  
教都總統輦真木納思為太中大夫土蕃等處宣慰  
使節元帥敕畸零拔都兒三百四十七戶佃益都閑  
田給牛種農具官為屋居之壬辰山東廉訪司申棣州  
境內春旱且霜夏復霖澇飢民啖藜霍木葉乞賑卹敕  
依東平例發附近官廩計口以給三月甲午詔遣脫忽  
思農獨赤昔烈門至合敦奴孫參與駙馬闊里吉思議

行屯甲巳亥樞密院臣言出征女直納里哥議於合思  
罕三千新附軍內選撥千人詔先調五百人行中書省  
具舟給糧仍設征東招討司壬寅御史大夫月兒魯  
等奏比監察御史商琥舉昔任詞垣風憲時望所屬  
而在外者如胡祗通姚燧王暉雷膺陳天祥楊恭懿  
高道程文海陳儼趙居信十人宜召寘翰林脩顧問  
帝曰朕未深知俟召至以聞丙午中書省臣言京畿  
荐饒宜免今歲田租上都隆興平灤河間保定五路  
供億視他路爲甚宜免今歲公賦漢地河泊隸宣徽  
院除入太官外宜弛其禁便民取食並從之丁未納

速刺丁滅里以盜取官民鈔一十三萬餘定忻都以  
徵理逋負迫殺五百二十人皆伏誅王巨濟雖無贓  
帝以與忻都同惡并誅之中書省與御史臺共定贓  
罪十三等枉法者五不枉法者八罪入死者以聞制  
曰可戊申以威寧昌等州民饑給鈔二千錠賑之已  
酉以太司農同知宣徽院事兼領尚饎監事鐵哥翰  
林學士承旨通政院使兼知尚乘寺事刺真並爲中  
書平章政事兼領舊職中書省臣言右丞何榮祖以  
疾平章政事麥木丁以久居其任乞令免署惟食其  
祿興議中書省事從之以阿里爲中書右丞梁暗都

刺爲參知政事中書省臣言亦奚不薛及八番羅甸  
旣各設宣慰司又復立都元帥府其地甚狹而官府  
多宜合二司帥府爲一詔從之且命奚不薛與思播  
州同隸湖廣省羅甸還隸雲南以八番羅甸宣慰使  
幹羅思等並爲八番順元等處宣慰使都元帥佩虎  
符以安南國王陳益稷遙授湖廣等處行中書省平  
章政事佩虎符居鄂州庚戌車駕幸上都賜速哥幹  
羅思賽因不花蠻夷之長五十六人金紋綾絹各七  
十九匹及弓矢鞍轡玉子樞密院臣奏延安鳳翔京  
兆三路籍軍二千人桑哥皆罷爲民今復其軍籍屯

田六盤從之敕都水監分視黃河堤堰罷河渡司庚  
申免寶慶路邵陽縣田租萬二千七百九十三斛壬  
戌給還楊璉真加土田入口之隸僧坊者初璉真加  
重賂桑哥擅發宋諸陵取其寶玉凡發冢一百有一  
所戕人命四攘盜詐掠諸賊爲鈔十一萬六千二百  
錠田二萬三千畝金銀珠玉寶噐稱是省臺諸臣乞  
正典刑以示天下帝猶貸之死而給還其人口土田  
隆興府路餞給鈔二千錠復發粟以賑之夏四月丙  
子太陰犯氐巳卯復典瑞監三品弛甘肅酒禁權其  
酤辛巳弛太原酒禁仍權酤辛卯設雲南諸路學校

其教官以蜀士充五月甲午遼陽水達達女直飢詔忽  
都丕花趣海運給之丙午敕雲南邊徼入朝非初附者  
不聽乘傳所進馬不給芻豆丁未中書省臣言妄人馮  
子振嘗爲詩譽桑哥且涉大言及桑哥敗卽告詞臣撰  
碑引諭失當國史院編修官陳孚發其姦狀乞免所  
坐遣還家帝曰詞臣何罪使以譽桑哥爲罪則在廷  
諸臣誰不譽之朕亦嘗譽之矣詔以楊居寬郭佑死  
非其罪給還其家資改思州安撫司爲軍民宣撫司  
隸湖廣省詔諭其民因閩戶驚逃者各使安業以陝  
西鹽運司酒稅等課已入州縣罷諸子鹽司併罷東

平路河道提舉司事入都水監己未龍興路南昌新  
建進賢三縣水免田租四千四百六十八石是月真  
定之中山新樂平山獲鹿元氏靈壽河間之滄州無  
棣景之阜城東光益都之濰州北海縣有蟲食葉葉  
盡無蠶六月甲子平江湖州常州鎮江嘉興松江紹  
興等路水免至元二十八年田租十八萬四千九百  
二十八石戊辰詔聽僧食鹽不輸課己巳日本來互  
市風壞三舟惟一舟達慶元路壬申江西省臣言肇慶  
德慶二路封連二州宋時隸廣東今隸廣西不便請復  
隸廣東從之鐵旗城後察昔折乙烈率其族類部曲三

千餘戶來附甲戌設司籍庫秩從五品隸太府監儲物之籍入者丙子太寧路惠州連年旱澇加以役繁民餓死者五百人詔給鈔二千錠及糧一月賑之仍遣使責遼陽省臣阿散壬午敕以海南新附四州洞寨五百一十九民二萬餘戶置會同定安二縣隸瓊州免其田租二年癸未以征瓜哇暫禁兩浙廣東福建商賈航海者俟舟師已發後從其便丁亥湖州平江嘉興鎮江揚州寧國太平七路大水免田租百二十五萬七千八百八十三石己丑太白犯歲星鐵木耳兒薛閣禿捏古帶闊闊所部民飢詔給米四千石

付鐵木塔兒薛閣禿一千石付捏古帶闊闊俾以賑之閏六月辛卯朔陞上都兵馬司四品如大都丁酉遼陽瀋州廣寧開元等路雹害稼免田租七萬七千九百八十八石岳州華容縣水免田租四萬九百六十二石東昌路蝗壬寅以東安海寧改隸淮安路詔大都事繁課稅改隸轉運司通州造船畢罷提舉司罷福建歲造象齒鞏帶戊申熒惑犯狗國庚戌回回人忽不木思售大珠帝以無用却之辛亥河西務水給米賑饑民江北河南省既立詔江北諸城悉隸其省詔漢陽隸湖廣省左江總管黃堅言其管內黃勝

許聚衆二萬據忠州乞調軍萬人土兵三千人命劉國傑討之臣願調軍民萬人以從詔許之太平寧國平江饒常湖六路民艱食發粟賑之高麗饑其王遣使來請粟詔賜米十萬石中書省臣言今歲江南海運糧至京師者一百五萬石至遼陽者十三萬石比往歲無耗折不足者甲寅右江岑從毅降從毅老疾詔以其子斗榮襲佩虎符爲鎮安路軍民總管廣南西路安撫副使賽甫丁等誹謗朝政沙不丁復資給之以風聞三十餘事妄告省官帝以有傷政體捕惡黨不吏如法乙卯濟南般陽蝗是月詔諭廉訪司巡

行勸課農桑禮部尚書張立道郎中歪頭使安南回以其使臣阮代乏何維岩至闕陳日燁拜表賡修歲貢秋七月庚申朔詔以史弼代也黑迷失高興將萬人征瓜哇仍詔三人者至闕遣使檢覈竄名鷹坊受糧者辛酉河北河南道廉訪司還至汴梁癸亥完大都城也里崑里沙沙嘗簽僧道儒也里可溫荅赤蠻爲軍詔令止隸軍籍甲子降詔申嚴牛馬踐稼之禁乙丑阿里院自脩船同張存從征瓜哇軍往招占城甘不察詔授阿里三珠虎符張存一珠虎符仍蠲阿里父布伯所負幹脫鈔三千錠丙寅罷徽州路錄事

司免屯田租一萬二千八百一十一石辛未太陰犯牛壬申建社稷和義門內壇各方五丈高五尺白石爲主飾以五方色土壇南植松一株北墉墜坎墮垣悉倣古制別爲齋廬門廡三十三楹戊寅黎兵百戶鄧志願謀叛伏誅庚辰敕雲南省擬所轄州縣官如福建二廣例省臺委官銓選以姓名聞隨給授宣敕八月己丑朔賽甫丁處死餘黨杖而徙之仍籍其家產壬辰勅禮樂戶仍與軍站民戶均輸賦丁酉辰星犯右執法己亥太白犯房辛丑寧夏府屯田成功非其官脫兒赤壬寅括唐兀秃魯花所部鬲豕赤及河西

逃人入蠻地者甲辰車駕至自上都討浙東孟總把等賊敕諸軍之駐福建者聽平章政事閻里節度乙巳歲星犯右執法丙午用郭守敬言浚通州至大都漕河十有四役軍匠二萬人又鑿六渠灌昌平諸水以廣濟署屯田旣蝗復水免今年田租九千二百十八石丁未也黑迷失乞與高興等國征瓜哇帝曰也黑迷失惟熟海道海中事當付之其兵事則委之史弼可也以史弼爲福建等處行中省平章政事統領出征軍馬庚戌高苑縣高希允以非所宜言復誅壬子詔塔剌赤程鵬飛討黃聖許劉國傑駐馬軍戍守

戊午福建行省叅政魏天祐獻計發民一萬鑿山鍊銀歲得萬五千兩天祐賦民鈔市銀輸官而私其一百七十錠臺臣請追其賊而罷鍊銀事從之改燕南河北廉訪司還治真定高麗女直界首雙城告饑敕高麗王於海運內以粟賑之弛平灤州酒禁詔不敦忙兀魯迷失以軍征八百媳婦國九月己未朔治書侍御史裴居安言月的迷失遇盜起不卽加兵盜去乃延誅平民詔臺院遣官雜問之辛酉詔諭安南國陳日煚使親入朝選湖南道宣慰副使梁曾授吏部尚書三珠虎符翰林國史院編修官陳孚授禮部

郎中佩金符同使安南山東東西道廉訪司劾宣慰使樂實盜庫鈔百二十錠買庫銀九百五十兩官局私造弓勒等物受屯田鈔百八十錠樂實宜解職從之丁卯中書省臣言茆鷄十圍安化等新附洞蠻凡八萬 管軍民司以其土人蒙意 世莫仲文爲長官以呂天佑塔不帶爲達魯花赤八番幹羅思招附光蘭州洞蠻宜置定 應就 莫所舉禿干高守文黃世曾燕 哥爲 魯花赤知府同知判官制曰可癸酉徙沔州治 水縣廢新得州置通江縣復漢州 縣沙州瓜州民 詔於甘肅兩界畫地

使耕無力者則給以牛具農器寧夏戶口繁多而土田年紅花詔令盡種穀麥以補民食丁丑以平灤路大水且霜免田租二萬四千四十一石辛巳太白犯南斗罷雲南行臺徙置西川設雲南廉訪司壬午水達達女直民戶由及地驅出者押回本地分置萬夫十夫百夫內屯田甲申烏思藏宜慰司言由必里公及後站驛遂絕民貧無可供億命給烏思歲五驛各馬百牛二百羊五百皆以銀軍七百三十六戶戶銀五百十五丁亥從宣政院言置烏思藏納里速古兒孫等三路宜慰使司都元帥冬十月戊子朔詔福

建廉訪司知事張師道赴闕師道至乞汰內外官府之冗濫者詔麥木丁何榮祖馬紀燕公楠等與師道同區別之數月授師道翰林直學士日本舟至四明求互市舟中甲仗皆具恐有異圖詔立都元帥府令哈刺帶將之以防海道詔浚浙西河道導水入海庚寅兩淮運使納速刺丁坐受商賈賄多給之鹽事覺詔嚴加鞠問癸巳弛上都酒禁燕公楠言歲終各行省臣赴闕奏事亦宜令行臺臣赴闕奏一歲舉刺之數制曰可丙申四川行省以洞蠻酋長向思聰等七人入朝壬寅從朱清張瑄請授高德誠管領海船萬

戶佩雙珠虎符復以殷實陶大明副之令將出征水手甲辰信合納帖音國遣使入覲廣東道宣慰司遣人以暹國主所上金冊詣京師乙巳太陰犯井丁未太陰犯鬼巳酉樞密院臣言六衛內領漢軍萬戶見存者六千戶撥分爲三力足以備車馬者二千五百戶每甲令備馬十五匹牛車二兩力足以備車者百戶每甲令備牛車三兩其三千戶惟習戰鬥不授之六千戶外則供他役庶能各勤乃事而兵亦銳詔施行之詔擇囚徒罪輕者釋之癸丑完澤等凡賜諸人物有二十萬錠者爲數旣多先賜者盡

得之及後將賜或無可給不均爲甚今計怯薛帶怯憐口昔博赤哈刺赤凡近侍人上等以二百戶爲率次等半之下等又半之於下等擇尤貧者歲加賞賜則無不均之失矣一歲天下所入凡二百九十七萬八千三百五錠今歲已辦者纔一百八十九萬三千九百九十三錠其中有未至京師而在道者有就給軍旅及給造物料館傳俸祿者自春至今凡出三百六十三萬八千五百四十三錠出數已逾入數六十六萬二百三十八錠矣懷孟竹課歲辦千九十三錠尚書省分賦於民人實苦之宜停其稅帝皆嘉納其

言命趙德澤吳榮領逃奴無主者二百四十戶淘銀  
耕田於廣寧潘州乙卯太陰犯氏十一月庚申岳州  
華容縣水發米二千一百二十五石賑饑民壬戌太  
陰犯壘壁陣戊寅樞密院奏一衛萬人嘗調二千屯  
田木八刺沙上都屯田二年有成擬增軍千人從之  
乙卯太陰犯太微東垣上相癸未禁所在私渡命關  
津譏察姦宄丙戌提省溪錦州銅人等洞酋長楊秀  
朝等六人入見進方物十二月庚寅中書省臣言皇  
孫晉王甘麻刺昔鎮雲南給梁王印今進封晉王請  
給晉王印北安王府慰也里古帶司馬荒兀並爲晉

王中尉仍命不只荅魯帶狄琮並爲司馬金齒適當  
忙兀禿兒迷失出征軍馬之衝資其芻糧立爲木米  
府勅應昌府給乞荅帶糧五百石以賑飢民癸巳中  
書省臣言寧國路民六百戶鑿山冶銀歲額一千四  
百兩皆市銀以輸官未嘗採之山乞罷之制曰可庚  
子太陰犯井甲辰太陰犯太微西垣巳酉故麓川路  
軍民總管達魯花赤阿散男布八同趙昇等招木忽  
魯甸金齒土官忽魯馬男阿魯來入見貢方物阿魯  
言其地東南隣境未附者約二十萬民募化願附請  
頒詔旨命布八趙昇諭之從之壬子敕中書省用烏

思藏站例給合里忽必二站馬牛羊凡爲銀九千五百兩丁巳敕都水監脩治保定府沙塘河堤堰是歲賜皇子皇孫諸王藩戚禁衛邊庭將士等鈔四十六萬六千七百十三錠給軍士畸零口糧五千五百二十三石賑其乏者爲鈔三十六萬八千四百二十八錠命國師諸僧呪師脩佛事七十二會斷死獄七十四

三十年春正月壬戌詔遣使招諭漆頭金齒蠻乙丑敕福建毋進鶻戍戍和林漢軍四百留百人餘令耕屯杭海丙寅太陰犯畢命中書汰冗員凡省內外官府二百五十五所總六百六十九員丁卯安西王請仍舊設常侍不允罷雲南延慶司以洛波十兒二蠻酋遙授知州各賜璽書戊辰樞密院臣奏兀渾察部兀木魯罕軍每歲運米六千四百二十六石以給之計備直爲鈔萬二千八百五十二錠詔邊境無事令本軍屯耕以食庚午驗洞酋長楊總國等來朝捏怯烈女直二百人以漁自給有旨與其漁於水曷若力田其給牛價農具使之耕甲戌河南江北行省平章伯顏言賜州忙兀臺所立屯田爲田四萬餘頃官種外宜聽民耕墾揚州鹽轉運一司設三重官府宜削

去鹽司止留管勾襄陽舊食京兆鹽以水陸難易計之莫若改食揚州鹽蔡州去汴梁地遠宜陞散府以穎息信陽光州隸之詔皆從其議陞廣州爲上路總管府罷納速刺丁滅里所立魚鹽局割江西興國路穎湖廣行省乙亥謚皇太子曰明孝丙子西番一甸蠻酋三人來覲各授以蠻夷軍民官仍以招諭八張道明爲達魯花赤丁丑太陰犯氏戊寅詔舊隸乃顏勝納荅兒女直戶四百虛糜廩食令屯田揚州庚辰歲星犯左執法立豪懿州七驛辛巳置遼陽路慶雲至合賓賓二十八驛驛給牛三十頭車七兩壬午淮

西道宣慰使昂吉兒欽軍鈔六百錠銀四百五十兩馬二匹敕省臺及扎魯火赤鞠問丁亥遣使代祀嶽瀆東海及后土二月巳丑從阿老瓦丁燕公補之請以楊璉真加子宣政院使暗普爲江浙行省左丞詔上都管倉庫者無資品俸秩故爲盜詐宜於六品七品內委用以俸給之高麗國王王曙請易名曰距其簽議府請陞簽議司降二品印從之減河南江浙海運米四十萬石中書省添設檢校二員免太都今歲公賦益上都屯田軍千人給農具牛價鈔五千錠以木八刺沙董之詔以只速滅里以鬼蠻之民隸詹事院壬

辰太陰犯畢丙申却江淮行樞密院官不憐吉帶進鷹仍敕自今禁戢軍官無從禽擾民違者論罪丁酉回回孛可馬合謀沙等獻大珠邀價鈔數萬錠帝曰珠何爲當留是錢以賙貧者敕海運米十萬石給遼陽戍兵兵諭其省官薛闡于令伯鐵木部欽察等耕漁自養糧不須給甲辰中書省臣言侍臣傳旨予官者先後七十人臣今欲加汰擇不可用者不敢奉詔帝曰率非朕言凡來奏者朕祇令諭卿等可用與否卿等自處之又言今歲給餉上都大都及甘州西京經歲浩繁自今賞賜悉宜姑止從之乙巳熒惑犯

天街丁未車駕幸上都以新附洞蠻吳動鰲爲潭溪等處軍民官佩金符給新附軍三百人人鈔十錠屯田真定庚戌太陰犯牛辛亥詔發總帥汪惟和所部軍三千征土番又發陝西四川兵萬人以行樞密官明安荅兒統之征西番敕以韶顛相去地遠分顛州行院官一員鎮韶州復立雲南行御史臺詔沿海置水驛自耽羅至鴨綠江口凡十一所令洪君祥董之癸丑太白犯壘壁陣江西行院官月的迷失言江南豪右多庇匿盜賊宜誅爲首者餘徙內縣從之申嚴江南兵器之禁三月庚申以同知樞密院事扎散知

樞密院事以平章政事范文虎董疏漕河之役平章政事李庭率諸軍扈從上都雨壞都城詔發侍衛軍三萬人完之仍命中書省給其傭直甲子括天下馬十萬匹已巳立行大司農司洪澤芍陂屯田舊委四處萬戶詔存其二立民屯二十辛未太陰犯氏夏四月己亥行大司農燕公楠翰林學士承旨劉夢炎言杭州上海澈浦温州慶元廣東泉州置市船司凡七所唯泉州物貨三十取三餘皆十五抽一乞以泉州爲定制從之仍併温州船司入慶元杭州船司入稅務江南行大司農司自平江徙揚州兼管兩淮農事

省八番重設州縣官罷徽州錄事司皇孫晉王位立內史府詔諸三品官府自今與各部文移相關鞏昌二十四城依舊例於總帥汪氏兄弟子姪內選用二人壬寅樞密院臣言去年征瓜哇軍二萬各給鈔二錠其後祇以五千人往宜徵元給鈔三萬錠入官帝曰非其人不行乃朕中止之耳勿徵癸丑太白犯填星廣東肅政廉訪司復置廣州甲寅詔遣使詔諭暹國幹羅思請以八番見戶合思播之民兼管徙宣慰司治辰沅靖州常賦外歲輸鈔三千錠不允光州蠻人光龍等一十二人及邦崖王文顯等二十八人金竹

府馬麟等一十六人大龍番禿盧忽等王十四人永順路彭世彊等九十人安化州吳再榮等一十三人師壁散毛洞勾谷什王等四人各授蠻夷官賜以璽書遣歸敕江南毀諸道觀聖祖天尊祠五月丙辰朔給四部更番衛士馬萬匹又給其必闡赤四百匹壬戌定雲洞蠻酋長來附癸亥括思播等處亡宋涅手軍丙寅詔委官與行省官閱覈蠻夷軍民官以江南民怨楊璉真珈罷其子江浙行省左丞暗普詔以浙西大水冒田爲災令富家募佃人疏決水道辛未敕僧寺之邸店商賈舍止其物貨依例收稅丁丑中書

省臣言上都工匠二千九百九十九戶歲糜官糧萬五千二百餘石宜擇其不切於用者俾就食大都從之甲申真定路深州靜安縣大水民飢發義倉糧二千五百七十四石賑之六月丙戌敕選河西質子軍精銳者八百給以鎧仗鞍馬狐貉衣裘遣赴皇孫阿難谷所出征己丑歲星犯左執法庚寅詔雲南且當仍屬西番宣慰司改淮西蘄黃等路隸河南江北行省丙申太陰犯斗乙巳以皇太子寶授皇孫鉄穆耳總兵北邊巴西詔濬太湖壬子大興縣蝗易州雨雹大如雞卵秋七月丁巳敕中書省官一員監脩國史已

未詔皇曾孫松山出鎮雲南以皇孫梁王印賜之詔免福建歲輸皮貨及泉州織作紵絲庚申命知鶴慶府昔寶赤賚璽書招諭農順未附蠻寨甲子太陰犯建星巳巳命劉國傑從諸王亦吉里督諸軍征交趾免雲南屯田軍逋租萬石壬申以月失察兒知樞密院事丁丑賜新開漕河名曰通惠壬申以只兒合忽所汰乞兒吉思戶七百屯田合思合之地辛巳太陰犯鬼八月丙戌括所在荒田無主名者令放良漏籍等戶屯田庚寅奉使安南國梁曾陳孚以安南使人陶子奇梁文藻偕來敕福建行省放爪哇出征軍歸其

家甲午辰星犯太微西垣上將戊戌給安西王府斷事官印甲辰太陰犯畢丁未湖廣行省臣言海南海北多曠土可立屯田詔設鎮守黎蠻海北海南屯田萬戶府以董之戊申太陰犯鬼營田提舉司所轄屯田百七十七頃爲水所沒免其租四千七百七十二石九月癸丑朔大駕至上都戊午敕各路達魯花赤總管董驛事巳未明安荅兒率軍萬人征土番近遣使來言乞引茂州先附寨官赴闕不允乙丑立海北海南博易提舉司稅依市舶司例丙寅遣金齒人還歸丁卯太陰犯畢癸酉敕以御史臺贓罰鈔五萬錠

元史本紀卷十七  
三  
給衛士之貧者辛巳登州蝗恩州水百姓闕食賑以  
義倉米五千九百餘石冬十月癸未朔以侍衛親軍  
千戶張邦瑞爲萬戶佩虎符將六盤山軍千人及皇  
子西平王等軍共爲萬人西征賜冠城䟽河董役軍  
官衣各一襲賜交趾陶子奇等十七人冬衣荆南安  
置戊子詔脩汴隄巳丑遣兵部侍郎忽魯禿花等使  
閣藍可兒納荅信合納帖音三國仍賜信合納帖音  
酋長三珠虎符庚寅饗于太廟彗星入紫微垣抵斗  
魁光芒尺許凡一月乃滅丙申熒惑犯亢巳亥太陰  
犯天關辛丑太陰犯牛壬寅敕減米直糶京師飢民

其鰥寡孤獨不能自存者給之甲辰赦天下戊申僧  
官總統以下有妻者罷之以段貞董開河修倉之役  
加平章政事庚戌造象蹄掌甲辛亥禁江南州郡以  
乞養良家子轉相販鬻及強將平民略賣者平灤水  
免田租萬一千九百七十七石廣濟署水損屯田百  
六十五頃免田租六千二百一十三石十一月壬子  
朔改德安府隸黃州路丁巳孫民獻嘗附桑哥助要  
東木爲惡及同知上都留守司事又受賊減諸從臣  
糧詔籍其家貲妻孥復因潭州呂澤訴其刻虐械送  
民獻至湖廣如澤所訴窮治之立海北海南道肅政

廉訪司治雷州庚申敕中書省凡出征軍母以和顧和買煩其家乙丑太陰犯畢丁卯太陰犯井戊辰以金齒木朶甸戶口增立下路總管府給其爲長者雙珠虎符真定路達魯花赤合散言廉訪司官檢責民官太苛乞以民官復檢責廉訪司文卷從之庚午太陰犯鬼兔江南都作院軍匠出征丙子熒惑犯鈞鈴戊寅歲星犯亢巳卯河南江北行省平章伯顏入爲中書省平章政事位帖哥刺真不忽木上十二月丁亥槃漢軍更番者毋鬻軍器辛卯武平路達魯花赤塔海言女直地至今未定賊一人入境百姓離散臣

願往安集之詔以塔海爲遼東道宣慰使壬辰中書左丞馬絕疾以詹事丞張九思代之乙未太陰犯井遣使督思播二州及鎮遠黃平發宋舊軍八千人從征安南庚子平章政事亦黑迷失史弼高興等無功而還各杖而耻之仍沒其家貲三之一癸卯敕以桑哥沒入官田三百九十一頃八十餘畝給阿合兀闌所司匠戶丙午以鐵赤脫脫木兒蔽住拜延四人並安西王傅是歲天下路府州縣等二千三十八路一百六十九府四十三州三百九十八縣千一百六十五宣撫司十五安撫司一寨十二鎮撫所一堡一各

甸部管軍民官七十三長官司五十一錄事司百三  
巡院三官府大小二千七百三十三處隨朝二百二  
十一員萬六千四百二十五隨朝千六百八十四戶  
一千四百萬二千七百六十賜皇后親王公主如歲  
例賜諸臣羊馬價鈔四十三萬四千五百錠幣五萬  
五千四百一十錠周貧乏鈔三萬七千五百二十錠  
作佛事祈福五十一真定寧晉等處被水旱蝗雹爲  
災者二十九斷死罪四十一  
三十一年春正月壬子朔帝不豫免朝賀癸亥知樞  
密院事伯顏至自軍中庚午帝大漸癸酉帝崩于紫

檀殿在位三十五年壽八十親王諸大臣發使告哀  
于皇孫乙亥靈駕發引墓起輦谷從諸帝陵夏四月  
皇孫至上都甲午卽皇帝位丙午中書右丞相完澤  
及文武百官議上尊謚壬寅始爲壇于都城南七里  
甲辰遣司徒兀都帶平章政事不忽木左丞張九思  
率百官請謚于南郊五月戊午遣攝太尉臣兀都帶  
奉冊上尊謚曰聖德神功文武皇帝廟號世祖國語  
尊稱曰薛禪皇帝是日完澤等議同上先皇后弘吉  
刺氏尊謚曰昭睿順聖后世祖度量弘廣知人善任  
使信用儒術用能以夏變夷立經陳紀所以爲一

代之制者規模宏遠矣

元史本紀卷之十七 終

順治己亥秋八月二十日

江寧府儒學教授朱 謨校閱

本紀卷第十八

元史十八

大明南京 國子監祭酒黃儒炳

司業葉 燦修

成宗一

成宗欽明廣孝皇帝諱鐵木耳世祖之孫裕宗真金

第三子也母曰徽仁裕聖皇后弘吉烈氏至元二年

九月庚子生二十四年諸王乃顏反世祖自將討平

之其後合丹復叛命帝往征之合丹敗亾三十年乙

巳受皇太子寶撫軍於北邊三十一年春正月世祖

崩親王諸大臣遣使告哀軍中夏四月壬午帝至上

天啟三年刊

都左右部諸王畢會。先是御史中丞崔彧得玉璽于故臣之家。其文曰：受命于天，既壽永昌。上之徽仁裕聖，皇后至是手授于帝。甲午，卽皇帝位。受諸王宗親文武百官朝于大安閣。詔曰：朕惟太祖聖武皇帝受天明命，肇造區夏。聖聖相承，光熙前緒。迨我先皇帝體元居正以來，然後典章文物大備。臨御三十五年，溥海內外，罔不臣屬。宏規遠略，厚澤深仁，有以衍皇元萬世無疆之祚。我昭考早正儲位，德盛功隆，天不假年。四海缺望，顧惟眇質，仰荷先皇帝殊眷。往歲之夏，親授皇太子寶，付以撫軍之任。今春宮車遠馭，奄

棄臣民，乃有宗藩昆弟之賢，戚畹官僚之舊。謂祖訓不可以違，神器不可以曠。體承先皇帝夙昔付託之意，合辭推戴，誠切意堅。朕勉徇所請。於四月十四日，卽皇帝位。可大赦天下。尚念先朝庶政，悉有成規。惟慎奉行。罔敢失墜。更賴祖親勲戚左右忠良，各盡乃誠。以輔台德。布告遠邇。咸使聞知。詔除大都上都兩路差稅一年。其餘減丁地稅糧十分之三。係官逋欠一切蠲免。民戶逃亡者，差稅皆除之。追尊皇考曰皇帝。尊太母元妃曰皇太后。庚子，遣攝太尉兀都帶等請謚于南郊。遣禮部侍郎李衍、兵部郎中蕭泰登賚

詔使安南中書省臣言陛下新卽大位諸王駙馬賜與宜依往年大會之例賜金一者加四爲五銀一者加二爲三又江南分土之賦初止驗其版籍令戶出鈔五百文今亦當有所加然不宜增賦於民請因五百文加至二貫從今歲官給之從之乙巳賜駙馬蠻子帶銀七萬六千五百兩闊里吉思一萬五千四百五十兩高麗王王昨三萬兩丁未湖廣行省所屬寇盜竊發復令劉國傑討之戊申太白晝見又犯鬼詔存恤征黎蠻爪哇等軍已西雲南行省以所定路府州縣來上上路二下路十一下州四十九中縣一下

縣五十以金齒歸附官阿魯爲孟定路總管佩虎符是月卽墨縣雹五月庚戌朔太白犯輿鬼壬子始開醮祠於壽寧宮祭太陽太歲火土等星於司天臺戊午遣攝太尉兀都帶奉玉冊玉寶上大行皇帝尊謚曰聖德神功文武皇帝廟號世祖皇后尊謚曰昭睿順聖皇后皇考尊謚曰文惠明孝皇帝廟號裕宗賜國王和童金二百五十兩月兒魯百五十兩伯顏月赤察而各五十兩銀鈔錦各有差庚申祭紫微星於雲僊臺雲南部長適習四川散毛洞主覃順等來貢方物陞其洞爲府丁卯八番宣慰使幹羅思犯法爲

人所訟懼罪逃還京師賜安西王阿難荅鈔萬錠已  
已改皇太后所居舊太子府爲隆福宮詹事院爲徽  
政院司議曰中議府正曰宮正家令曰內宰典醫署  
曰掌醫典寶曰掌謁典設曰掌儀典饌曰掌膳仍增  
控鶴至三百人詔各處轉運司官欺隱姦詐爲人所  
訟者聽廉訪司卽時追問其案牘仍舊例於歲終檢  
之陞福建鹽提舉司爲鹽轉運司增捕私鹽人賞格  
庚午諸王亦里不花來朝以瘠馬輸官官酬其直爲  
鈔十有一萬五千錠賜也速帶而汪惟正兩軍將士  
糧五萬碩餉北征軍壬申御史臺臣言內外官府增

置愈多在京食祿者萬人在外尤衆理宜減併命與  
中書議之用崔彧言肅政廉訪司案牘勿令總管府  
檢劾詔議增官吏祿以也速帶而所統將士貧乏給  
鈔萬錠乙亥以扎珊知樞密院事戊寅封皇姑高麗  
王王距妃忽都魯揭里迷失爲安平公主賜亦都護  
金五百五十兩銀七千五百兩合迷里的斤帖林金  
五十兩銀四百五十兩西平王與魯赤言汪總帥之  
軍多庇其富實而令貧弱者應役命吏易之以月兒  
魯爲太師伯顏爲太傅月赤察而爲太保禁諸司豪  
奪鹽船遞運官物僧道權勢之家私匿盜販是月密

州路諸城縣大都路武清縣霍峽州路大水六月庚辰朔日有食之辛巳御史臺臣言名分重重無踰宰相惟事業顯著者可以當之不可輕授廉訪司官歲以五月分按所屬。次年正月還司。職官犯贓勅授者聽總司議。宜授者上聞。其本司聲跡不佳者代之。受賂者依舊例比諸人加重。帝曰其與中書同議。乙酉雲南金齒路進馴象三丙戌以雲南歲貢馬二千五百疋給梁王數太多命量減之庚寅必察不里城敢木丁遣使來貢詔罷功德使司及泉府司官冗員壬辰立晉王內史府復以光祿寺隸宣徽院中書省臣

言朝會賜與之外餘鈔止有二十七萬錠凡請錢糧者乞量給之定西平王奧魯赤寧遠王闊闊出鎮南王脫歡及也先帖木而大會賞賜例金各五百兩銀五千兩鈔二千錠幣帛各二百匹諸王帖木而不花也只里不花等金各四百兩銀四千兩鈔一千六百錠幣帛各一百六十匹以帖木而復爲平章政事諸王阿只吉部玉速福屢叛伏誅以甘肅等處米價踴貴詔禁釀酒命月赤察而提調群牧事乙未以世祖皇后裕宗謚號播告天下免所在本年包銀俸鈔及內郡地稅江淮以南夏稅之半乙亥以乳保勞封完

顏伯顏爲冀國公妻何氏爲冀國夫人完澤貸民錢多取其息命依世祖定制辛丑浙西道提刑按察使弘吉烈帶阿侯灰受賂遇赦免復以爲河西隴北道肅政廉訪使御史臺臣言先朝決獄隨罪輕重笞杖異施今止用杖乞如舊制不允宋史家鉉翁安置河間年踰八十賜衣服遣還其家癸卯封駙馬闊里吉思爲唐王給金印甲辰詔翰林國史院修世祖實錄以完澤監修國史乙巳給困赤禿出征軍士鈔各千戶千錠內午太陰犯井以昔寶赤從征諸軍自備馬一千一百九十餘匹命給還其直戊申詔宗藩內外

官吏人等咸聽丞相完澤約束以合刺思八幹節而爲帝師賜玉印賜雪雪的斤公主鈔千錠諸王伯荅罕末察合而部貧乏者三千錠伯牙兀真赤里由柔伯牙伯刺麻闊怯倫忙哥真各金五十兩銀鈔幣有差是月東安州蝗秋七月壬子詔御史大夫月兒魯振臺綱禁內外諸司減官吏俸爲宴飲費置隆福宮衛候司癸丑詔軍民各隸所司無相侵越乙卯以諸王出伯所部四百餘戶乏食徙其家屬就食內郡仍賜以輿魯軍年例鈔三千錠給瓜沙之民徙甘州豆田者牛價鈔二千六百錠以也的迷失爲東昌路達

魯花赤中書省臣言其嘗官是郡犯法五百餘款今不宜復官帝曰姑試之已未復立平陽路之蒲武鄉保定路之博野泰安州之新泰等縣賜諸王出伯與魯軍也速帶而紅襖軍幣帛各六萬疋庚申改侍衛都指揮使司爲隆福宮左都威衛使右都威衛使以陝西道廉訪司沒入贓罰錢舊給安西王者命行省別貯之壬戌詔中外崇奉孔子癸亥罷肇州宣慰司併入遼東道戊辰減八番等處所設官二百一十六員八番稱新附九十萬戶設官四百二十四員及遣官覈實止十六萬五千餘戶故減之行樞密院月的

迷失程鵬飛各加平章政事中書省臣言樞密之臣不宜重與相銜帝命以軍職尊崇者授之辛未中書省臣言向御史臺劾右丞阿里嘗與阿合馬同惡論罪抵死幸得原免不當任以執政臣謂阿里得罪之後能自警省乞令執政如故從之以軍戶所棄田產歲入及管軍官吏贖罪等鈔復輸樞密院癸酉以陝西行省平章不忽木爲中書平章政事甲戌立隨路民匠打捕鷹房納綿等戶總管府秩正三品詔招諭暹國王敢木丁來朝或有故則令其子弟及陪臣入質扎魯花赤言諸王之下有罪者不聞於朝輒自決

遣詔禁治之詔月兒魯守北邊賜其所統軍士幣帛各萬疋及西征軍士幣三萬疋鈔三萬六千六百錠賜不魯花真公主及諸王阿只吉女弟伯禿銀鈔有差是月棣州陽信縣雹大風拔木發屋真定路之南宮新河易州之涑水等縣雹八月庚辰太白晝見癸未平灤路遷安等縣水蠲其田租戊子初祀社稷用堂上樂歲以爲常己丑以大都留守段貞平章政事范文虎監浚通惠河給二品銀印令軍士復浚浙西太湖澱山湖溝港立新河運糧千戶所詔諸路平準交鈔庫所貯銀九十三萬六千九百五十兩除留十

九萬二千四百五十兩爲鈔母餘悉運至京師復立平陽之芮城陵川等縣辛卯以忙哥撒而妻子爲敵所掠歸鈔八千錠戊戌太陰犯畢太白犯軒轅是月德州之安德縣大風雨雹九月壬子聖誕節帝駐蹕三部落受諸王百官賀癸丑詔有司存恤征瓜哇軍士死事之家甲寅口授諸王傅阿里不花爲丞相丁巳太白經天庚申以合魯刺及乃顏之黨七百餘人隸同知樞密院事不憐吉帶習水戰丙寅太陰掩填星辛未太陰犯軒轅乙亥太白犯右執法太陰犯平道遣禿古鐵木而等使閣藍是月趙州之寧晉等縣

水冬十月戊寅車駕還大都辛巳江浙行省臣言陛下卽位之初詔蠲今歲田租十分之三然江南與江北異貧者佃富人田歲輸其租今所蠲特及田主其佃民輸租如故則是恩及富室而不被於貧民也宜令佃民當輸田主者亦如所蠲之數從之遼陽行省所屬九處大水民饑或起爲盜賊命賑恤之江西行省臣言銀場歲辦萬一千兩而未嘗及數民不能堪命自今從實辦之不爲額壬午太白犯左執法有事于太廟癸巳太陰掩填星乙未太陰犯井金齒新附孟愛旬酋長遺其子來朝卽其地立軍民總管府

朱清張瑄從海道廳運糧百萬石以京畿所儲充足詔止運三十萬碩辛丑帝諭右丞阿里參政梁德珪曰中書職務卿等皆懷怠心朕在上都令還也的迷失沙已沒財產任明里不花皆至今未行又不約束吏曹使選人留滯萊哥雖姦邪然僚屬憚其威政事無不立決卿等其約束曹屬有不事事者笞之仍以朕意諭右丞相完澤壬寅緬國遣使貢馴象十乙巳遣南巫里速木荅刺繼沒刺矛毳陽使各各還其國賜以三珠虎符及金銀符金幣衣服有差初也黑迷失征瓜哇時嘗招其瀕海諸國於是南巫里等遣人來

兩廡侯謝修  
附以禁商泛海留京師至是弛商禁故皆遣之十一  
月丁未朔帝朝皇太后于隆福宮上玉冊玉寶庚戌  
行樞密院臣劉國傑討辰州賊詔選州民刀弩手助  
其軍他不爲例京師犯賊罪者三百人帝命事無疑  
者准世祖所定十二等例決之巳酉太陰犯亢庚戌  
廣西鹽先給引於民而徵其直私鹽日橫及官自鬻  
鹽民復不售詔先以鹽與民而後徵之辛亥中書省  
臣言國賦歲有常數先帝嘗曰九賜與雖有朕命中  
書其斟酌之由是歲務節約常有贏餘今諸王藩戚  
費耗繁重餘鈔止一百十六萬二千餘錠上都隆興

西京應昌甘肅等處糴糧鈔計用二十餘萬錠諸王  
五戶絲造作鹽料鈔計用十餘萬錠而來會諸王尚  
多恐無以給乞俟其還部臣等酌量定擬以聞從之  
壬子詔以軍民不相統壹罷湖廣江西行樞密院併  
入行省乙卯令河西僧人仍舊助役丁巳以伯顏察  
而參議中書省事其克伯顏言曰臣叨平章政事兄  
弟宜相嫌避帝曰卿勿復言兄平章於上弟參議於  
下何所嫌也罷貴赤屯田總管府罷宣政院所刻河  
西藏經板庚申太陰犯畢甲子詔禁作姦犯科者以  
湖南道宣慰使何偉爲中書參知政事罷海北海南

兩廂侯謝修  
市舶提舉司壬申立覆實司濟寧路立諸色戶計諸  
總管府秩四品癸酉太白犯房詔改明年爲元貞元  
年十二月辛巳賜諸王亦思麻啟金五十兩癸未歲  
星犯房丙戌罷遼河等處人匠正副達魯花赤丁亥  
歲星犯鈞鈴甲午以諸王冕兀而駙馬阿失等皆在  
軍加賜金銀鞍勒弓矢衣服各有差乙未以伯遙帶  
忽刺出所隸一千戶饑賜鈔萬錠壬辰太陰犯鬼戌  
戌禁侵擾農桑者庚子太陰犯房又犯歲星選各衛  
精兵千人命孛羅曷荅而等將之戌和林聽太師月  
兒魯節度三年而更用帝師奏釋京師大辟三十人

杖以下百人賜諸鰥寡貧民鈔二百錠曲靜徵江普  
安等路夷官各以方物來貢以東勝等處牛遞戶貧  
乏賜鈔三千餘錠卜阿里使麻八而還都阿思民爲  
海都所虜賜鈔三萬九千九百錠是月常德岳鄂漢  
陽四川水免其田租是歲斷太辟三十一人

元貞元年春正月戊申諸王阿失罕來朝賜金五十  
兩銀四百五十兩癸丑以太僕卿只而合朗爲御史  
大夫甲寅以從世祖狩杭海功賜諸王忽刺出金五  
十兩珠一串乙卯太陰犯填星又犯畢壬戌以國忌  
卯大聖壽萬安寺飯僧七萬癸亥安西王阿難荅寧

遠王闊闊出皆言所部貧乏賜安西王鈔二十萬錠  
寧遠王六萬錠又以隕霜殺于復賑安西王山後民  
米一萬碩詔道家復行金錄科範以雲南行省左丞  
楊炎龍爲中書左丞乙丑以亦奚不薛復隸雲南行  
省以行樞密院既罷賜行中書省長官虎符領其軍  
庚午以江淞行省平章阿老瓦丁爲參知政事壬申  
立北庭都元帥府以平章政事合伯爲都元帥江淞  
行省右丞撒里蠻爲副都元帥皆佩虎符立曲先塔  
林都元帥府以釁都察爲都元帥佩虎符饒州路達  
魯花赤阿剌紅治中趙良不法僉江東廉訪司事昔

班季讓受金縱之事覺昔班自殺杖季讓除名仍沒  
其財產奴婢之半罷瓜沙等州屯田癸酉歲星犯東  
咸甲戌有飛書妄言朱清張瑄有異圖者詔中外慰  
勉之乙亥追封皇國舅按只那演爲濟寧王謚忠武  
封皇姑囊家真公主爲魯國大長公主駙馬蠻子台  
爲濟寧王仍賜金印詔飭諸道鹽運司二月丙子朔  
安西王相鐵赤等請復立王相府不許令陝西省臣  
給其所需仍以廉訪司沒入贓罰鈔與之丁丑翰林  
學士承旨留夢炎告老帝以其在先朝言無所隱厚  
賜遣之命曷伯撒里蠻孛來將探馬赤軍萬人出征

聽諸王出伯節度壬午罷江南茶稅以其數二千錠  
添入江西權茶都轉運司歲額詔貸幹脫錢而逃隱  
者罪之仍以其錢賞首告者癸未熒惑犯太陰丁亥  
雲南行省平章也先不花言敢麻魯有兩夷未附金  
齒亦叛服不常乞調兵六千鎮撫金齒置驛入緬從  
之復以拱衛司爲正三品以濟寧王蠻子台所部弘  
吉烈人貧乏賜鈔一十八萬錠戊子思州田曷刺不  
花雲南夷卜木四川洞主查閭王金齒帶梅混冬等  
來見緬國阿刺扎高微班的來獻舍利寶玩甲午以  
探馬赤軍出征馬不足詔除軍民官吏所乘凡有馬

太陰犯歲星以諸王亦憐真部馬牛驛人貧乏賜鈔  
千錠以工部尚書兼諸路金王人匠總管府達魯花  
赤呂天麟爲中書參知政事立雲州銀場都提舉司  
秩四品中書省臣言近者阿合馬朶哥枯勢賣官不  
別能否止憑解由選調由是選法大壞宜令廉訪司  
體覆以聞省臺選官覈實定其殿最以明黜陟其廉  
訪司官亦令省臺同選爲宜從之罷河西軍聽各選  
其所屬驛馬那懷鈔萬五千錠以廉延春閣賜天  
壽宗師張留孫真人壽志德等十三人王圭

各一製寶玉五方佛冠以帝師三月乙巳朔宴南  
子陳日燁遣使上表慰國哀又上書謝寬賞恩并  
方物丙午遣密刺章以鈔五萬錠授征西元帥令市  
馬萬疋分賜二十四城貧乏軍校庚戌大陰犯積星  
壬子禁來朝官歛所屬俸丙辰給月兒魯禿禿軍鈔  
米萬石金齒夷洞蠻來見賜衣遣之戊午罷福建銀  
場提舉司其歲額銀以有司領之中書省臣言極密  
院御史臺例應奏舉官屬其餘諸司不宜奏請令皆  
請之非便詔自今已後專令中書擬奏以東作方殺  
罷諸不急營造惟帝師塔及張法師官不罷壬戌地  
震大陰犯房丙寅國王和童隱所賜本部貧民鈔三  
百五十錠命臺臣遣人按問以愧之詔免醫工門徒  
增置蒙古學正以各道肅政廉訪司領之夏四月辛  
巳狄人蒙遜借機及其黨十三人伏誅賜章河至苦  
監貧乏驛戶鈔一萬二千九百餘錠丙戌諸王也只  
里以兵五千入戌兀魯思界遣使來求馬帝不允庚  
寅大陰犯東咸封執母楊氏為趙國安翼夫人癸巳  
以同知烏撒烏蒙等處宣慰使司事牙那木假兵部  
尚書佩虎符使馬吞兒的陰戌戌給扈從探馬赤軍  
布馬鈔十二萬錠庚子立掌諸司掌蓋太后嘗秩四

品以畫者為之賜實赤親軍身之戶鈔四萬一千五百餘定於卯以諸王出伯所統探馬赤紅旗軍各千人諫西軍王與魯亦設各路陰陽教授仍禁陰陽人不得將於諸王駙馬之門以貴赤萬戶忽克不花等所部為敵所掠賜鈔有差是月真定路之平山靈壽等縣有蟲食桑閏四月丙午為皇太后建佛寺于五臺山以前工部尚書澧只為將作院使領工部事燕南河北道肅政廉訪使宋德亦為工部尚書董其役以大都保定真定平陽太原六回河間大名順德廣平等處應其所需癸丑歲星臨一房甲寅太陰犯平道

立梭釐招討使司以荅兒忽帶為使佩虎符乙卯太陰犯亢丁巳太陰掩房巳未罷打捕鷹房總管府及司籍周用薄欽等庫及徽州路銀場各處鹽使司鹽場改設司令司丞仍免大都今歲田租弛甘州酒禁庚申河南行省虧兩淮歲辦鹽十萬引鈔五千錠遣扎刺而帶等往鞠實命隨其罪之輕重治之陝西行省增羨鹽鈔一萬二千五百餘錠山東都轉運使而別思葛等增羨鹽鈔四千餘錠各賜衣以旌其能南人洪幼學上封事妄言五運筭而遣之壬戌塔即古阿散以不法伏誅詔禁行省行泉府司抽分市船舶

貨而固匿其珍細者戊辰遣愛牙赤覈實高麗國儲糧平陽民訴諸王小薛曲列失伯部曲恣橫遣官鞠之賜安南國王陳益稷鈔千錠是月蘭州上下三百餘里河清三日五月戊寅以魯國大長公主建佛寺于應昌給鈔千錠金五十兩命麥木丁何榮祖等釐正選法已卯竄忙兀部別闡于江西俾從月底迷失討賊庚辰詔各省止存儒學提舉司一餘悉罷之陞江南平陽等縣爲州以戶爲差戶至四萬五萬者爲下州五萬至十萬者爲中州下州官五員中州六員凡爲中州者二十八下州者十五又以戶不及額降

連州路爲連州增重挑補鈔人罪告捕者仍優其賞令犯人給之辛巳罷行大司農司加平章政事麥木丁爲平章軍國重事中書左丞議中書省事何榮祖爲昭文館大學士與中書省事甲申詔自元貞元年五月以前逋欠錢糧者皆罷徵丁亥太陰犯南斗甲午以諸王阿只吉部貧乏賜鈔二十萬錠江淞行省臣鐵木兒不聽詔遣官責之丙申以伯顏之子買的爲僉書樞密院事太后言其父盡心王室欲令代其父官帝以其年尚小故有是命詔以農桑水利諭中外鞏昌府金州西和州會州兩處無麥禾饒州鎮江

常州湖州平江建康太平常德澧州皆水六月戊申  
濟南路之歷城縣大清河水溢壞民居壬子高麗王  
王昫乞爲太師中書令不允以近邊役煩及水災免  
咸平府民八百戶今年賦稅詔遼陽省進海東青鶻  
二十四驛每驛給牛六頭使者食米五碩鷹食羊五  
口又狗遞十二驛每戶給鈔十錠甲寅翰林承旨董  
文用等進世祖實錄乙卯江西行省所轄郡大水無  
禾民乏食令有司與廉訪司官賑之仍使江河湖泊  
之禁聽民採取陞沅州爲路以靖州隸之遣使與各  
省官就遷調邊遠六品下下官併左右兩江宣慰司

都元帥府宣撫司爲廣西兩江道宣慰司都元帥府  
以靖江爲治所仍分司邕州勅允上封事者命中書  
省發緘視之然後以聞詔河西僧納租稅癸亥立蒙  
古軍都元帥府于西川徑隸樞密院以阿剌鐵木而  
岳樂罕並爲都元帥佩虎符河西隴北道廉訪司勅  
張萬戶不法西平王奧魯赤沮撓其事帝命諭之甲  
子以安西王所部出征軍妻孥乏食給糧二千碩賜  
賀藤邕豐全衡柳吉顛南安等處蠻寇竊發以軍民  
官脩禦不嚴撫字不至皆責而降之駙馬濟寧王臺  
子台表罪入御史臺臣言其專擅有旨諭臺子台

令知之庚午立西域衛親軍都指揮使司以迷而的  
斤為都指揮使是月汴梁路蝗利州蓋州螟秦安寧  
州濟寧路水鞏昌環州慶陽延安西旱秋七月乙  
亥徙甘涼御匠五百餘戶于襄陽詔江南地稅輸鈔  
丁丑大陰犯亢罷追問已原逋欠普顏怯里迷失公  
主等俱以其部貧乏來告賜鈔計四十九萬餘錠御  
史臺臣言內地盜賊竊發者衆皆由國家赦宥所致  
乞命中書立為條格督責所屬期至盡滅制曰可乙  
卯詔申飭中外有儒吏無通者各路舉之廉訪司每  
道歲貢二人省臺委官立法考試中程者用之所貢

不公罪其舉者職官坐贓論斷再犯者加二等倉庫  
官吏盜所守錢糧一貫以下笞之至十貫杖之二十  
貫加一等一百二十貫徒一年每三十貫加半年二  
百四十貫徒三年滿三百貫者死計贓以至元鈔為  
則給江南行御史臺守護軍百人減海南屯田軍之  
半還其元翼詔增給諸軍藥餌價直壬午立肇州屯  
田萬戶府以遼陽行省左丞阿散領其事甲申歲星  
犯房給塞下貧民鈔二萬四千錠己丑賜劉國傑王  
帶錦衣旌其戰功辛卯以齊亮合所部貧乏賜鈔十  
萬錠戊戌朱永福邊珍裕以妖言伏誅禮魯忽赤文

移舊用國語敕改從漢字壬寅詔易江南諸路天慶  
觀為玄妙觀毀所奉宋太祖神主大都遼東東平常  
德湖州武衛屯田大水隆興路電太原平陽安豐河  
間等路旱八月乙酉太陰犯牛壬子太陰犯壘壁陣  
辛酉緬國進馴象三癸亥賑遼陽民被水者糧兩月  
己巳以駙馬那懷知樞密院事金復州屯田有蟲食  
禾汴梁安西真定等路旱平江安豐等路大水九月  
甲戌帝至自上都乙亥用帝師奏釋大辟三人杖以  
下四十七人丙寅以八撒而治私第給鹽萬引詔輸  
米十萬碩于各場以備北塞以探馬赤軍士所

至擾民令合伯鎮之犯者罪其主將乙卯罷四川淘  
金戶四千還其元籍罪初獻言者庚辰罷寧夏路行  
中書省以其事併入甘肅行省丁亥爪哇遣使來獻  
方物己丑給桓州甲匠糧千石壬辰湖州司獄郭玘  
訴浙西廉訪司僉事張孝思多取廩餼孝思繫玘于  
獄行臺令監察御史楊仁往鞠而江淞行省平章鐵  
木而建孝思至省訊問又令其屬官與仁同鞠玘事  
仁不從行臺以聞詔省臺遣官鞠問既引服皆杖之  
諸王小薛部衆擾民遣官按問杖其所犯重者餘聽  
小薛責之甲午太陰犯軒轅戊戌太陰犯平道宣德

府大水軍民乏食給糧兩月武衛萬盈屯及延安路  
實霜殺禾高郵府泗州賀州旱平江廬州等路大水  
冬十月癸卯有事于太廟中書省臣言去歲世祖皇  
后裕宗祔廟以綾代玉冊今玉冊玉寶成請納諸各  
室帝曰親享之禮祖宗未嘗行之其奉冊以來朕躬  
祝之命獻官迎導入廟給江淞河南巡邏私鹽南軍  
兵仗癸丑以西北叛王將入自土番命平章軍國重  
事荅失蠻往征之仍敕便宜總帥發兵千人從行聽  
其節度甲寅中書省御史臺臣言江浙行省平章明  
里不花陳臺憲非便事臣等議乞自今監察御史廉

訪司有所按覈州縣官與本路同鞠路官與宣慰司  
同鞠宣慰司官與行省同鞠制曰可詔諸王駙馬部  
民既隸軍籍者毋奪回本部己未賜各衛士貧乏者  
鈔二萬九千三百餘錠辛酉辰星犯房壬戌辰星犯  
鍵閉癸亥賜諸王巴撒而火而忽荅孫禿刺三部鈔  
四萬八千五百餘錠丁卯以博而赤荅刺赤等貧乏  
賜鈔二萬九千餘錠戊辰太白晝見太陰犯房遣安  
南朝貢使陳利用等還其國降詔諭陳日燭十一月  
甲戌太白經天及犯壘壁陣辛巳置江淞行省檢校  
官二員立江淞金銀洞冶轉運使司乙酉太陰犯井

丙戌琰陽酋長之兄脫杭捧于法而刺酋長之弟密  
刺八都阿魯酋長之弟脫杭忽先等各奉金表來覲  
丁亥太陰犯鬼戊子賜阿魯酋長虎符癸巳賜安西  
王甲冑槍槌弓矢橐鞬等十五萬八千二百餘事戊  
戌陞贛州路之寧都會昌二縣爲州以石城縣隸寧  
都瑞金縣隸會昌詔江洲行省括隱漏官田及檢劾  
富強避役之戶十二月庚子朔遣集賢院使阿里渾  
撒里等祭星于司天臺癸卯以駙馬阿不花所部民  
貧賜鈔萬錠賜諸王押忽秃忽刺出阿失罕等金各  
二百五十兩鈔五百錠丙辰太陰犯軒轅荆南僧晉

昭等僞撰佛書有不道語伏誅己未昭大都路皇和  
顧和買及一切差役以諸色戶與民均當賜諸王不  
顏鐵木而阿八也不千金各五百兩銀五千兩鈔二  
千錠幣帛各二百疋其幼王減五分之一以各道廉  
訪司官八負負一印命收其三甲子太陰犯天江賜  
帝師雙龍紐玉印也速帶而之軍因李壇亂去山東  
其元駐之地爲人所墾歲久成業爭訟不已命別以  
境內荒田給之正軍五頃餘丁二頃已滿數者不給  
減海運腳價鈔一貫計每石六貫五百文著爲令徒  
縉山所居乞里乞思等民于山東以田與牛種給之

丁卯禁諸王輒召有司官吏已巳詔免軍器匠門徭  
是歲斷大辟三十人

其天璽文此器人用聖人如業年信不日命限以  
其天璽文此器人用聖人如業年信不日命限以  
其天璽文此器人用聖人如業年信不日命限以

本紀卷第十八  
本紀卷第十八  
本紀卷第十八

本紀卷第十九

元史十九

黎  
黎  
黎

成宗二

二年春正月丙子詔蠲兩都結戶  
和雇和市已卯詔

江南毋捕天鵝以忽刺出千戶所  
部屯夫貧乏免其

所輸稅上忽州叛賊黃勝許攻剽  
水口思先寨湖廣

行省調兵擊破之獲其黨黃法安  
寺職遁入生牙六

羅士十六陰犯真鬼詔凡戶隸昔  
赤老諸人毋爭甲

甲命四平三真魯赤今夏居上都  
丙戌太白晝見安

西王母得鐵赤脫鐵木而等後請立  
阿婆合已嘗面陳朕以世祖定制  
欲以四川京兆悉為彼有耶無執  
今姑從汝請置王相府惟行三傳  
道已丑御史臺臣言漢人為同秦  
其罪由是不敢盡言請於近侍昔  
擇人用之帝曰安用此曹其選漢  
之以御史中丞禿赤為御史大夫  
辛卯冬月赤察而也可及合刺赤  
禮給廿六行費甲午授嗣漢三十八

三和府帝曰去歲  
論之今復奏請豈  
軍師皆朝矣所司  
事丁亥太陰犯平  
者嘗為姦人摺接  
實赤遠古而赤中  
人識達事體者為  
庚寅太陰犯鈞鈐  
所部衛士自運軍  
代天師張與材大

表亦與通川廣道真人管領江南諸路  
公主謝明馬非奉旨毋罪官吏賜諸  
百錠雜幣帛千匹駙馬塔海鐵木  
不刺罕獻獅豹藥物賜鈔千三百  
中書坐曰臣言陛下自御極以來所  
勲臣等而數不輕向之所儲散之殆  
臣等之甄別貧賤及赴邊者賜之  
分江以別行省軍萬人成湖廣給稱  
高使又軍官歿而子弟未釐職者  
于官者罪之辛丑立中御府以

遣教乙未詔諸王  
王合班妃鈔千二  
而鈔三千錠回紇  
餘錠二月己亥朔  
賜諸王公主駙馬  
其餘宜悉止從之  
海屯田軍農具詔  
其所佩金銀符歸  
號忽伯唐兀並為

中御卿丙午禁軍將擅易侍衛軍  
 役者其之仍令其奴別入兵籍以  
 之軍以敢有縱之者罷其職括蒙  
 伍丁丁太陰犯并庚戌詔軍卒擅  
 給禿禿合所部屯田農器丙辰詔  
 者輸田商稅庚申命札剌而忽都  
 聖雲州者與民均供徭役自六盤  
 置軍萬人丙寅以大都留守司達  
 書平章政事遣使代祀嶽瀆賜安  
 賑飢民三月壬申以中書平章政  
 事罷太原平陽路驛進蒲萄酒

其蒲萄園民恃為業者皆還之諸王出伯言所部探  
 馬赤軍懦弱者三千餘人乞代以強壯從之仍命出  
 伯非奉旨毋擅徵發以怯魯剌駐夏民飢戶給糧六  
 月郡王慶童有疾以其子也里不花代之賜八撒火  
 而忽答孫禿剌三人鈔各千錠治書侍御史萬僧受  
 賊命御史臺與宣政院使谷失蠻雜治之癸酉增駐  
 夏軍為四萬人忻都言晉王甘麻剌朵兒帶言月兒  
 魯皆有異圖詔樞密院鞠之無驗帝命言晉王者死  
 言月兒魯者謫從軍自效詔雲南行臺檢劾亦乞不

薛宣慰司案牘甲戌  
也里愷甕吉刺帶並  
車駕幸上都丁丑以  
朝政杖之徒二年籍  
大陰犯鈎鈐辛卯賜  
馬亦都護括流散畏  
黃勝許黨魯萬丑王  
百五十兩銀二千五  
合伯及塔塔刺所部  
朔命撒的迷失招集  
其祖忙兀臺所部流  
散人戶  
遣諸王亦只里公不沙亦憐真  
駐夏于晉王怯魯刺之地丙子  
完顏邦義納速丁劉季安妄議  
其家財之半甲申庚辰大口乙酉  
遼陽行省糧三萬石壬辰詔駙  
吾而戶癸巳湖廣行省以叛賊  
獻于京師賜諸王錢木兒金二  
百兩鈔五千錠以旌其戰功以  
民飢賑米各千石夏四月己亥

諸王八卜沙鈔四萬錠也真所部六萬錠平陽之絳  
州台州路之黃巖州饑杭州火並賑之五月戊辰朔  
免兩都徭役辛未安西王遣使來告貧乏帝語之曰  
世祖以分賚之難嘗有聖訓阿難答亦知之矣若言  
貧乏豈獨汝耶去歲賜鈔二十萬錠又給以糧今與  
則諸王以爲不均不與則汝言人多飢死其給糧萬  
石擇貧者賑之甲戌詔民間馬牛羊百取其一半不  
滿百者亦取之惟色目人及數乃取丁丑太陰犯平  
道庚辰土蕃叛殺掠階州軍民遣脫脫會諸王鐵木  
兒不花只列等合兵討之甲申命也真薛閣罕駐夏

于合亦而之地禁諸王公主駙馬招戶已丑詔諸徒  
役者限一年釋之母杖庚寅罷四川馬湖進獨本慈  
詔諸王駙馬及有分地功臣戶居上都大都隆興者  
與民均納供需丁酉命諸行省非奉旨毋擅調軍安  
南國遣人招誘叛賊黃勝許也黑迭失進紫檀賜鈔  
四千錠是月野蚕成繭河中府之猗氏電太原之平  
晉獻州之交河樂壽莫州之莫亭任丘及湖南醴陵  
州皆水濟寧之濟州螟六月己亥給出伯軍馬七千  
二百餘匹詔晉王所部衣糧糧以歲給衣則三年賜  
之給瓜州沙州站戶牛種田具御史臺臣言官吏受

賂初旣辭伏繼以審覈而有可徇情致令異辭者乞  
加等論罪從之乙巳太白犯天關以調兵妨農免廣  
西容州等處田租一年丙午叛賊黃勝許遁入交趾  
甲寅降官吏受賂條格凡十有三等丁巳太白犯填  
星癸亥太陰犯井丙寅詔行省行臺凡朱清有所陳  
列毋輒止之賜西平王奧魯赤銀二百五十兩鈔六  
千錠所部六萬錠諸王亦憐真所部二十萬錠兀魯  
思駐冬軍三萬錠是月大都真定保定太平常州鎮  
江紹興建康澧州岳州廬州汝寧龍陽州漢陽濟寧  
東平大名滑州德州蝗大同隆興順德太原電海南

民饑發粟賑之秋七月庚午肇州萬戶府立屯田給以農具種食辛未以鈔十一萬八千錠治西番諸驛甘肅兩州驛戶饑給糧有差賜諸王完澤印癸酉詔茶鹽轉運司印鈔提舉司運糧漕運司官仍舊以三年爲代雲南福建官吏滿任者給驛以歸壬午填星犯井太白犯輿鬼括伯顏阿朮阿里海牙等所據江南田及權豪匿隱者令輸租河泊官歲入五百錠者勅授增江西河南省參政一員以朱清張瑄爲之授特進上柱國高麗王世子王諤爲儀同三司領都僉議司事乙酉遣雲南省逃軍戍亦乞不薛命湖廣江

西兩省擇駐夏軍牧地丙戌遣岳樂也奴等使馬八兒國己丑命行臺監察御史鉤校隨省理問所案牘以虎賁三百人戍應昌諸提調錢正官其部凡有逋欠者勿遷敘廣西賊陳飛雷通藍青謝發寇昭梧藤容等州湖廣左丞八都馬辛擊平之辛巳賜貴由赤戍軍鈔三萬九千餘錠是月平陽大名歸德真定蝗彰德真定漕州濱州水懷孟大名河間旱太原懷孟霄福建廣西兩江道饑賑粟有差八月丁酉朔禁舶商毋以金銀過海諸使海外國者不得爲商庚子太陰犯亢太白犯軒轅壬寅命江浙行省以船五十艘

水工千三百人沿海巡禁私鹽癸卯太陰犯天江乙巳詔諸人告捕盜賊者強盜一名賞鈔五十貫竊盜半之應捕者又半之皆徵諸犯人無可徵者官給乙卯太陰犯天街太白犯上將給諸王亦憐真軍糧三月是月德州彰德太原蝗咸寧縣金復州隆興路隕霜殺禾寧海州大雨大名路水九月戊辰太白犯左執法辛未聖誕節帝駐驛安同泊受諸王百官賀壬申太陰掩南斗甲戌增鹽價鈔一引為六十五貫鹽戶造鹽錢為十貫獨廣西如東徵浙東福建湖廣夏稅罷民間鹽鐵爐竈給襄陽府合刺魯軍未賜出者

糧兩月罷淮西諸巡禁打捕人員丁丑太陰犯壘壁陣戊寅元江賊捨資殺掠邊境梁王命怯薛丹等討降之甲申雲南省臣也先不花征乞藍拔瓦農開陽兩寨其黨答剌率諸蠻來降乞藍悉平以其地為雲遠路軍民總管府己丑太陰犯軒轅辛卯諸王出伯言汪總帥等部軍貧乏帝以其久戌命留五千駐冬餘悉遣還至明年四月赴軍甲午令廣海左右兩江戍軍以二年三年更戌海都兀魯思不花部給出伯所部軍米萬石是月常德之沅江縣水免其田租河間之莫州獻州旱河決河南杞封丘祥符寧陵襄邑

五縣冬十月丁酉有事于太廟壬寅發米十萬石賑糴京師以宣德奉聖懷來縉山等處牧宿衛馬甲辰修大都城壬子車駕至自上都職官坐贓經斷再犯者加本罪三等贛州賊劉六十攻掠吉州江西行省左丞董士選討平之是月廣備屯及寧海之文登水十一月丁卯以蠻洞將領彭安國父子討田知州有功賜安國金符子爲蠻夷官荅馬刺一本王遣其子進象十六戊辰以廣西戍軍悉隸兩江宣慰司都元帥府己巳兀都帶等進所譯太宗憲宗世祖實錄帝曰忽都魯迷失非昭睿順聖太后所生何爲亦曰公

主順聖太后崩時裕宗已還自軍中所紀月日先後差錯又別馬里思丹砲手亦思馬因泉府司皆小事何足書耶辛未徙江浙行省拔都軍萬人戍潭州潭州以南軍移戍郴州以洪澤芍陂屯田軍萬人修大都城遣樞密院官整飭江南諸鎮戍軍凡將校勤怠者列實以聞增海運明年糧爲六十萬石丁丑太陰犯月星又犯天街庚辰太陰犯井丁亥太陰犯上相乙酉樞密院臣言江南近邊州縣宜擇險要之地合羣戍爲一屯卒有警急易於徵發詔行省圖地形覈軍實以聞戊子太陰犯平道贈大都巡防漢軍壬辰太

陰犯天江緬王遣其子僧伽巴叔撒邦巴來貢方物  
罷雲南栢興府入德昌路賜太常禮樂戶鈔五千餘  
錠是月象食屯水免其田租十二月戊戌立徹里軍  
民總管府雲南行省臣言大徹里地與八百媳婦犬  
牙相錯今大撒里胡念已降小徹里復占扼地利多  
相殺掠胡念遣其弟胡倫乞別置一司擇通習蠻夷  
情狀者爲之帥招其來附以爲進取之地詔復立蒙  
樣剛等甸軍民官癸卯定諸王朝會賜與太祖位金  
千兩銀七萬五千兩世祖位金各五百兩銀二萬五  
千餘兩各有差丁未太陰犯井詔諸行省徵補逃亾

軍復司天臺觀星戶乙卯太陰犯進賢癸亥釋在京  
四百人增置侍御史二員賜金齒羅斛來朝人衣是  
月大都保定汴梁江陵沔陽淮安水金復州風損禾  
太原開元河南芍陂旱蠲其田租是歲斷大辟二十  
四人

大德元年春正月庚午增諸王要木忽而兀魯而不  
花歲賜各鈔千錠辛未諸王亦憐真來朝薨于道賜  
幣帛五百疋乙亥給月兒魯匠者田人百畝乙酉以  
邊地乏芻給出伯征行馬粟四月丙戌以鈔十二萬  
錠鹽引三萬給甘肅行省昔寶赤等爲叛寇所掠仰

食於官賜以農具牛種俾耕種自給己丑以藥木忽而等所部貧乏摘和林漢軍置屯田於五條河以歲入之租資之辛卯以張斯立爲中書省叅知政事諸王阿只吉駐太原河東之民困於供億詔詰問之仍歲給鈔三萬錠糧萬石給晉王所部屯田農器千具建五福太乙神壇時汴梁歸德水木隣等九站飢以米六百餘石賑之給可溫種田戶耕牛二月甲午朔刺晉王甘麻刺鈔七萬錠安西王阿難谷三萬錠丙申蒙陽甸酋長納款遣其弟阿不刺等來獻方物且請歲貢銀千兩及置驛傳詔卽其地立通西軍民府

秩正四品戊戌陞全州爲全寧府庚子詔東部諸王分地蒙古戍軍死者補之不勝役者易之癸卯徙揚州萬戶鄧新軍屯蘄黃以閩里台所隸新附高麗女直漢軍居潘州甲申諸軍民相訟者命軍民官同聽之丁未省打捕鷹房府入東京路戊午羅羅斯酋長來朝己未改福建省爲福建平海等處行中書省徙治泉州平章政事高興言泉州與瑠求相近或招或取易得其情故徙之減福建提舉司歲織段三千疋其所織者加文綉增以歲輸納服二百其車渠帶工別立提舉司掌之封約立普哇拿阿的提牙爲緬國

王且詔之曰我國家自祖宗肇造以來萬邦黎獻莫不畏威懷德嚮先朝臨御之日爾國使人稟命入覲詔允其請爾乃遽食前言是以我師聞之臣加兵於彼此者爾遣子信合入的奉表來朝宜示含弘特加恩渥今封的立普哇拿阿的提牙爲緬國王賜之銀印子信合入的爲緬國世子錫以虎符仍戒飭雲南等處邊將毋擅興兵甲爾國官民各宜安業又賜緬王弟撒邦巴一珠虎符酋領阿散三珠虎符從者金符及金幣遣之以新附軍三千屯田漳州庚申陞寧都會昌縣爲州並隸贛州路寧陽鎮爲縣隸濟寧路

隸州巡檢司爲河曲縣隸保德州安豐路設錄事司以行徽政院副使王慶端爲中書右丞詔改元赦天下免上都大都隆興差稅三年給也只所部六千戶糧三月三月戊辰熒惑犯井巳巳完澤等奏定銓調選法庚午以陝西行省平章也先鐵木而爲中書平章政事中書省左丞梁暗都刺爲中書省右丞癸酉太陰掩軒轅大星畋于柳林免武當山新附軍徭賦甲戌西蕃寇階州陝西行省平章脫列伯以兵進討其黨悉平留軍五百人戍之詔各省合併鎮守軍福建所置者合爲五十三所江浙所置者合爲二百二

此起

王且詔之曰我國家自祖宗肇造以來萬邦黎獻莫不畏威懷德嚮先朝臨御之日爾國使人稟命入覲詔允其請爾乃遽食前言是以我師闡之臣加兵於彼比者爾遣子信合八的奉表來朝宜示含弘特加恩渥今封的立普哇拿阿的提牙為緬國王賜之銀丁信合八的為緬國世子錫以虎符仍戒飭雲南等處邊將毋擅興兵甲爾國官民各宜安業又賜緬王第撒邦巴一珠虎符酋領阿散三珠虎符從者金符及金幣遣之以新附軍三千屯田漳州庚申陞寧都會昌縣為州並隸贛州路寧陽鎮為縣隸濟寧路

隴州巡檢司為河曲縣隸保德州安豐路設錄事司以行徽政院副使王慶端為中書右丞詔改元赦天下免上都大都隆興差稅三年給也只所部六千戶糧三月三月戊辰熒惑犯井巳巳完澤等奏定銓調選法庚午以陝西行省平章也先鐵木而為中書平章政事中書省左丞梁暗都刺為中書省右丞癸酉太陰掩軒轅大星畋于柳林免武當山新附軍徭賦甲戌西蕃寇階州陝西行省平章脫列伯以兵進討其黨悉平留軍五百人戍之詔各省合併鎮守軍福建所置者合為五十三所江浙所置者合為二百二

十七所丙子車駕幸上都丁丑封諸王鐵木而不花爲鎮西武靖王賜馳紐印以江西省左丞八都馬辛爲中書左丞庚辰札魯忽赤脫而速受賂爲其奴所告毒殺其奴坐棄市乙酉遣阿里以鈔八萬錠糴糧和林丁亥禁正月至七月捕獵大都八百里內亦如之庚寅立江淮等處財賦總管府及提舉司賜諸王岳木忽而及兀魯思不花金各百兩兀魯思不花毋阿不察等金五百兩銀鈔有差賜稱海匠戶市農具鈔二萬二千九百餘錠及牙忽都所部貧戶萬錠別吉斡匠萬九百餘錠五臺山佛寺成皇太后將親往

祈祝監察御史李元禮上封事止之歸德徐邳汴梁諸縣水免其田租道州旱遼陽饑並發粟賑之岳木忽而及兀魯思不花所部民饑以乳牛牡馬濟之夏四月癸巳朔日有食之丙申中書省御史臺臣言阿老瓦丁及崔彧條陳臺憲諸事臣等議乞依舊例御史臺不立選其人則于常調官選之惟監察御史首領官令御史臺自選各道廉訪司必擇蒙古人爲使或闕則以色目世臣子孫爲之其次參以色目漢人又合刺赤阿速各舉監察御史非便亦宜止於常選擇人各省文案行臺差官檢覈宿衛近侍奉特旨

令臺憲擢用者必須明奏然後任之行臺御史秩滿而有效績者或遷內臺或呈中書省遷調廉訪司亦如之其不稱職者省臺擇人代之未歷有司者授以牧民之職經省臺同選者聽御史臺自調中書省或用臺察之人亦宜與御史臺同議各官府憲司官毋得輒入體察今擬除轉運鹽使司外其餘官府悉依舊例制曰可壬寅賜兀魯思不花圓符賜暹國羅斛來朝者衣服有差賜牙忽都部鈔萬錠給岳木忽而所部和林屯田種以米二千石賑應昌府五月丙寅河決汴梁發民三萬餘人塞之戊辰安南國遣使來

朝追收諸位下爲商者制書驛券命回回人在內郡輸商稅給鈔千錠建臨洮佛寺詔強盜姦傷事主者首從悉誅不傷事主止誅爲首者刺配再犯亦誅給葛蠻安撫司驛券一辛未遂寧州軍戶任福妻一產三男給復三歲癸酉太白犯鬼積尸氣乙亥太陰犯房丁丑禁民間捕鬻鷹鷄庚寅平伐酋領內附乞隸於亦乞不薛從亦各路平準行用庫舊制選部民富有力量者爲副命自今以常調官爲之隸行省者從行省署用上思州叛賊黃勝許遣其子志寶來降漳河溢損民禾稼饒州鄱陽樂平及隆興路水亦乞

列等二站饑賑米一百五十石六月甲午諸王也里  
干遣使乘驛祀五嶽四瀆命追其驛券仍切責之以  
湖廣行省叅政崔良知廉貧特賜鹽課鈔千錠給和  
林軍需鈔十萬錠乙未太白晝見戊戌平伐九寨來  
降立長官司巴酉令各部宿衛士輸上都隆興糧各  
萬五千石于北地甲寅罷亦奚不薛歲貢馬及羶衣  
丙辰監察御史幹羅失刺言中丞崔彧兄在先朝嘗  
有罪還其所籍家產非宜又買僧寺水碾違制帝以  
其妄言咎之詔僧道犯姦盜重罪者聽有司鞫問賜  
諸王也里干等從者鈔二萬錠朶思麻一十三站貧

民五千餘錠是月平灤路蟲食桑歸德徐邳州蝗太  
原風雹河間大名路旱和州歷陽縣江漲漂沒廬舍  
萬八千五百餘家以糧四千餘石賑廣平路饑民萬  
五千石賑江西被水之家二百九十餘石賑鐵里干  
等四站饑戶秋七月庚午太陰犯房辛未賜諸王脫  
脫孛羅赤沙禿而鈔二千錠所部八萬四千餘錠撒  
都失里干錠所部二萬餘錠罷蒙古軍萬戶府入曲  
先塔林都元帥府癸未增晉王所部屯田戶甲申增  
中御府官一員賜馬八兒國塔喜二珠虎符詔出使  
招諭者授以招諭使副諸取藥物者授以會同館使

副但降旨差遣不給制命丙戌以八兒思禿倉糧隸上都留守司招籍宋兩江鎮守軍丁亥免上都酒課三年賜諸王不顏鐵木而及其弟伯真孛羅鈔四千錠所部八萬四千八百餘錠仍給糧一年寧海州飢以米九千四百餘石賑之河決杞縣蒲口郴州路未陽州衡州之鄱縣大水山崩溺死三百餘人懷州武陟縣旱八月庚子詔合伯留軍五千屯守令孛來統其餘衆以歸丁未命諸王阿只吉自今出獵悉自供具母傷民力丁巳祆星出奎揚州淮安寧海州旱真定順德河間旱疫池州南康寧國太平水九月辛酉

朔祆星復犯奎壬戌八番順元等處初隸湖廣後改隸雲南雲南戍兵不至其屯駐舊軍逃亡者衆仍命湖廣行省遣軍代之甲子八百媳婦叛寇徹里遣也先不花將兵討之丙寅詔恤諸郡水旱疾疫之家罷括兩淮民田汰諸王來大都者及宿衛士冗員丁卯命平章伯顏專領給賜孤老衣糧壬午車駕還大都已丑增海漕爲六千五萬石罷南丹州安撫司立慶遠南丹溪洞等處軍民安撫司詔邊遠官已嘗優陞品級而託他事不起者奪其所陞官平珠六洞蠻及十部洞蠻皆來降命以蠻夷官授之給衛士牧馬外

郡者糧令毋仰食於民以札魯忽赤所追贓物輸中  
 書省衛輝路旱疫澧州常德饒州臨江等路溫之平  
 陽瑞安二州大水鎮江之丹陽金壇旱並以糧給之  
 冬十月甲午詔諸遷轉官注闕二年丁酉有事于太  
 廟辛丑減上都商稅歲額為三千錠温州陳空崖等  
 以妖言伏誅癸丑免陝西鹽戶差稅罷其所給米乙  
 卯瓜哇遣失刺班直木達奉表來降戊午太白經天  
 增吏部尚書一員以朶甘思十九站貧乏賜馬牛羊  
 有差廬州路無為州江湖泛溢漂沒廬舍歷陽合肥  
 梁縣及安豐之蒙城霍丘自春及秋不雨揚州淮安

路飢韶州南雄建德温州皆大水並賑之十一月壬  
 戌禁權豪僧道及各位下擅據鑛炭山場罷順德彰  
 德廣平等路五提舉司立都提舉司二陞正四品設  
 官四員直隸中書戶部衛輝路提舉司隸廣平彰德  
 都提舉司真定鐵冶隸順德都提舉司罷保定紫荆  
 關鐵冶提舉司還其戶八百為民癸亥詔自今田獵  
 始自九月高麗王王矩告老乞以爵與其子諤福建  
 行省遣人覘瑠求國俘其傍近百人以歸戊辰增太  
 廟牲用馬庚午籍唐兀軍入樞密院辛未曹州禹城  
 進嘉禾一莖九穗丁丑詔以高麗王世子諤為開府

儀同三司征東行中書省左丞相駙馬上柱國高麗國王仍加授王昺爲推忠宣力定遠保節功臣開府儀同三司太尉駙馬上柱國逸壽王增烏撒烏蒙等處宣慰使一員以孛羅歡爲之賜諸王兀魯思不花金千兩銀萬五千兩鈔萬錠徙大同路軍儲所于紅城以河南行省經用不足命江浙行省運米二十萬石給之總帥汪惟和以所部軍屯田沙州瓜州給中統鈔二萬三千二百餘錠置種牛田具大都路總管沙的坐贓當罷帝以故臣子特減其罪俾仍舊職崔或言不可復任帝曰卿等與中書省臣戒之若後復

然則置爾死地矣戊子太白經天增晉王內使一員尚乘寺卿一員賜藥木忽而金一千二百五十兩銀一萬五千兩鈔一萬二千錠常德路大水常州路及宜興州旱並賑之十二月癸巳令也速帶而藥樂罕將兵出征丙申徙襄陽屯田合刺魯軍丁南陽戶受田百五十畝給種牛田具戊戌中書省臣同河南平章孛羅歡等言世祖撫定江南沿江上下置戍兵三十一翼今無一二懼有不虞外郡戍卒封椿錢軍官遷延不以時取而以已錢貸之徵其倍息逃亾者各處鎮守官及萬戶府並遣人追捕皆非所宜又富戶

規避差稅冒為僧道且僧道作商賈有妻子與編氓無異請汰為民宋時為僧道者必先輸錢縣官始給度牒今不定制僥倖必多無為磬課初歲入為鈔止一百六錠續增至二千四百錠大率歛富民刻吏俸停竈戶工本以足之亦宜減其數帝曰磬課遣人覈實汰僧道之制卿等議擬以聞軍政與樞密院議之諸王也只里部忽刺帶於濟南商河縣侵擾居民蹂踐禾稼帝命詰之走歸其部帝曰彼宗戚也有是理耶其令也只里罪之禁諸王駙馬并權豪毋奪民田其獻田者有刑復立芍陂洪澤屯田壬寅朝洞蠻內

附立長官司二命勅漢英領之甲辰太白經天又犯東咸丙午太陰犯軒轅丁未旌表烈婦漳州招討司知事闕文興妻王氏戊申增給雲南廉訪司驛十二甲寅太陰犯心乙卯免上都至大都并宣微等十二站戶和崔和買賜諸王忽刺出鈔千錠所部四萬四千五百餘錠諸王阿木速哥鐵木而所部二萬八千九百餘錠閏十二月壬戌太陰犯壘壁陣命也速帶而等出征詔諸軍戶賣田者由所隸官給文券甲子福建平章高興言漳州漳浦縣大梁山產水晶乞割民百戶采之帝曰不勞民則可勞民勿取壬申徙

乃顏民戶于內地定燕禿忽思所隸戶差稅以三分之一輸官賜忽刺出所部鈔萬錠癸酉至丙子太白犯遼星已卯賜不思塔伯千戶等鈔約九萬錠准東饑遣叅議中書省事于章發廩賑之弛湖泊之禁仍聽正月捕獵平伐等蠻未附播州宣撫使楊漢英請以已力討之命湖廣省各刺罕從宜收撫瓜州屯田軍萬人貧乏命減一千以張萬戶所領兵補之甲申增兩淮屯田軍爲二萬人賜諸王阿牙赤鈔千錠所部一萬一千餘錠藥樂罕等所部七萬錠暗都刺火者所部四萬餘錠般陽路饑疫給糧兩月是歲濟南

及金復州水旱大都之檀州順州遼陽瀋陽廣寧水順德河間大名平陽旱河間之樂壽交河疫死六千五百餘人斷大辟百七十五人

二年春正月壬辰詔以水旱減郡縣田租十分之三傷甚者盡免之老病單弱者差稅並免三年禁諸王公主駙馬受諸人呈獻公私田地及擅招戶者丙申遣使閱諸省兵丁酉置汀州屯田辛丑御史臺臣言諸轉運司案牘例以歲終檢覆金穀事繁稽照難盡奸僞無從知之其未終者宜聽憲司於明年檢覆從之乙巳以糧十萬石賑北邊內附貧民己酉建康龍

興臨江寧國太平廣德鏡池等處水發臨江路糧三萬石以賑仍弛澤梁之禁聽民漁采遣所俘瑠求入歸諭其國使之效順併土蕃碭門安撫司運司改爲碭門魚通黎雅長沙西寧遠軍民宣撫司以翰林王惲閻復王構趙與票王之網楊文郁王德淵集賢王顥宋渤盧摯耶律有尚李泰郝采楊麟皆耆德舊臣清貧守職特賜鈔二千一百餘錠給西平王奧魯赤部民糧三月晉王秣米五百石所部鈔十二萬錠戊和林高麗女直漢軍三萬錠二月戊午朔詔樞密院合併貧難軍戶辛酉歲星熒惑太白聚危熒惑犯歲

星壬戌徙重慶宣慰司都元帥府於成都立軍民宣慰司都元帥府於福建乙丑立浙西都水庸田司專主水利以中書右丞徽政院副使張九思爲平章政事與中書省事丁卯改泉州爲泉寧府己巳畝于潮州辛未太陰犯左執法併江西省元分置軍爲六十四所丙子太陰犯心帝諭中書省臣曰每歲天下金銀鈔幣所入幾何諸王駙馬賜與及一切營建所出幾何其會計以聞右丞相完澤言歲入之數金一萬九千兩銀六萬兩鈔三百六十萬錠然猶不足於用又於至元鈔本中借二十萬錠自今敢以節用爲請

帝嘉納焉罷中外土木之役癸未詔諸王駙馬毋擅祀嶽鎮海濱申禁諸路軍及豪右人等毋縱畜牧損農乙酉車駕幸上都罷建康金銀銅冶轉運司還淘金戶於元籍歲辦金悉責有司詔廉訪司作成人材以備選舉禁諸王從者假控鶴佩帶擾民詔諸郡凡民播種怠惰及有司勸課不至者命各道廉訪司治之減行省平章爲二負丙子以梁德珪爲中書平章政事楊炎龍爲中書右丞賜瓜忽而所部鈔三十萬既近侍伯顏鐵木而等二萬錠也先鐵木而等市馬價三萬四千四百餘錠鎮南王脫歡六萬錠浙西嘉

興江陰江東建康溧陽池州水旱並賑恤之湖廣省漢陽漢川水免其田租甘肅省以州民傷禾稼大都檀州兩霄歸德等處蝗三月丁亥朔罷大名路故河堤堰歲入隆福宮租鈔七百五十錠申禁官吏受賂詣諸司首者不得輒受戊子詔僧人犯奸盜詐僞聽有司專決輕者與僧官約斷約不至者罪之庚寅命各萬戶出征者其印令副貳掌之不得付其子弟違法行事以兩淮閑田給蒙古軍壬子御史臺臣言道州路達魯花赤阿林不花總管周克敏虛申麥熟不賑飢民雖經赦宥宜降職一等從之壬子詔加封東

鎮沂山為元德東安王南鎮會稽山為昭德順應王  
 西鎮吳山為成德永靖王北鎮醫巫閭山為貞德廣  
 寧王歲時與嶽瀆同祀著為令式夏四月戊午遣征  
 不刺壇軍還本部庚申以也速帶而擅調甘州戊午  
 遣伯顏等筭之賜大都守門合刺赤等鈔九萬錠歲  
 工四萬四千錠發慶元糧五萬石減其直以賑飢民  
 江南山東江浙兩淮燕南屬縣百五十處蝗五月辛  
 卯罷海南黎兵萬戶府及黎蠻屯田萬戶府以其事  
 入瓊州路軍民安撫司罷募麻林酒稅羨餘壬辰以  
 中書右丞何榮祖為平章政事與中書省事

大元都馬辛為中書右丞淮西諸郡飢漕江西米

十萬石以備賑貸命中書省遣使監運南四川海

海南廣西兩江廣東福建等處六品以下選戊戌

陰犯心壬寅平濼路旱發米五百石減其直賑之

百請王念不列妃扎忽真詐增所部貧戶冒支鈔

萬六千餘錠遣扎魯忽赤同王府官追之南嶺順

旱大風麥免其田租一年詔總帥汪惟正所轄

十四城有安西王諸三等并及魯思麻來寓者與

言官長統羅國以方物來貢海州之崇仁星

元史卷之十九

元史卷之九十一  
五十二  
憲宗崩納鄰合剌並為宣慰使都元帥佩虎符  
都八剌合赤鈔各三萬錠六月庚申御史臺臣言  
南宋時行兩稅法自阿里海牙改為門攤增課多至  
五萬錠今宣慰張國紀請復科夏稅與門攤併徵以  
圖陸進湖湘重罹其害帝命中書趣罷之禁攤索稅  
脫括大都漕河舟楫西臺侍御史脫歡以受賂不法  
罷禁諸王擅行令旨其越例開讀者併所遣使拘  
以聞壬戌太陰犯角詔陝西諸色戶與民均當徭役  
申嚴陝西運司私鹽之禁置奉宸庫賜諸王岳木冬  
而金一千二百五十兩兀魯思不花并其母一千

銀鈔有差山東河南燕南山北五十處蝗山北遼東  
道大寧路金源縣蝗秋七月癸巳太陰犯心汴梁等  
處大雨河決壞隄防漂沒歸德數縣禾稼廬舍免其  
田租一年遣尚書那懷御史劉賡等塞之自蒲口首  
事凡築九十六所壬寅詔諸王駙馬及諸近侍自今  
奏事不經中書輒傳旨付外者罪之高麗王王諫擅  
命妄殺詔遣中書右丞楊炎龍僉樞密院事洪君祥  
召其入侍以其父拒仍統國政賜諸王亦憐真等金  
銀鈔有差江西江浙水賑飢民二萬四千九百有奇  
八月壬戌太陰犯箕癸未給四川出征蒙古軍馬萬

匹九月巳丑聖誕節駐蹕阻媯之地受諸王百官賀  
交趾爪哇金齒國各貢方物給和林更戍軍牛車丙  
申車駕還大都辛丑太陰犯五車南星命廣海左右  
江戍軍依舊制以二年或三年更代癸卯太陰犯五  
諸侯樞密副使塔刺忽帶犯贓罪命御史臺鞠之巳  
酉太陰犯左執法庚戌吉贛立屯田減中外冗員冬  
十月甲寅朔增海漕米爲七十萬石壬戌太白犯牽  
牛置蒙古都萬戶府於鳳翔立平珠六洞蠻夷長官  
司二設土官四十四員戊寅太陰犯角距星令御史  
臺檢劾樞密院案牘賜諸王岳木忽而兀魯忽不花所

部糧五萬石控鶴七百人賜鈔五百錠十一月庚寅  
安南貢方物丙申知樞密院那懷言常例文移乞令  
副樞以下署行從之罷雲南行御史臺置肅政廉訪  
司巳亥太陰犯輿鬼辛丑辰星犯牽牛罷徐邳鑪冶  
所進息錢壬寅太陰犯右執法以中書左丞王慶端  
爲平章政事賜和林軍校幣六千疋衣帽等物有差  
十二月戊午太白經天巳未填星犯輿鬼乙丑太白  
犯歲星太陰犯熒惑括諸路馬除牝孕携駒者齒三  
歲以上並拘之賜朶而朶海所部鈔八十五萬錠庚  
午鎮星入輿鬼大陰犯上將辛未增置各路推官專

掌刑獄上路二員下路一員詔諸逃軍復業者免役  
三年江浙行省平章政事荅刺罕陞左丞相甲戌彗  
出子孫星下巳卯太陰犯南斗辛巳命廉訪司歲舉  
所部廉幹者各二人詔和市價直隨給其主違者罪  
之定諸稅錢三十取一歲額之上勿增揚州淮安兩  
路旱蝗以糧十萬石賑之給陣曰軍妻子衣糧免內  
郡賦稅諸王小薛所部三百餘戶散處鳳翔以潞州  
田二千八百頃賜之釋在京囚二百一十九人

本紀卷第十九

